



I. ATALA

BIZKAIKO LURRALDE HISTORIKOKO FORU ADMINISTRAZIOA

Bizkaiko Foru Aldundia

Ekonomia Sustatzeko Saila

Bizkaiko Foru Aldundiaren 21/2025 FORU DEKRETUA, martxoaren 20koa, Bizkaia Sortzailea dirulaguntza-programaren oinarri arautzaileak eta deialdia onesten dira, 2025. urterako.

I

Bizkaiko Foru Aldundiko Ekonomia Sustatzeko Sailaren xedea da Bizkaian aberastasuna eta kalitateko enplegua sortzen laguntzea, enpresa arloan lehiakortasun iraunkorra eta nazioartekotzea sustatuz eta, aldi berean, gure lurraldearen garapen orekatua erraztuz. Ildo horretan, konpromiso hori gauzatzeko estrategia integral bat jarri da abian, bost ardatz estrategikotan oinarritua: Bizkaia, talentuarekiko konpromisoa; Ekintzailatza aurreratua, Bizkaiko enpresa-sare berriaren motor gisa; Industria eta zerbitzu aurreratuak, lehiakortasun jasangarriaren aldeko apustu berrindartua; Bizkai orekatua eta kohe-sionatua; eta Bizkai irekia eta erakargarria; hori guztia, balio erantsiko zerbitzuak modu eraginkorrean emateko konpromisotik abiatuta.

Misio horren esparruan, onartu nahi den foru dekretuaren xedea da Bizkaia Sortzailea dirulaguntzen programaren oinarri arautzaileak eta deialdia onartzea, eta helburua da Bizkaiko enpresa sortzaileei laguntzea proiektu berrien garapena sustatzeko, nazioartean ikusgarritasuna duten enpresa-proiektu sortzaileak garatzeko, enpresa sortzaileen hazkundea bizkortzeko eta sektore sortzaileak bultzatzeko eta sendotzeko proiektu interesgarrien garapena bultzatzeko.

Egungo enpresen lehiakortasuna eta enpresa berrien sustapena funtsezko osagaiak dira Bizkaiko ekonomiak egun dituen erronkei aurre egin ahal izateko, batez ere lana sortzeari eta lanari eusteari begiratzen badiegu.

Garrantziko industria-ehun bati eutsiz, hazkundean oinarritutako ekonomiarantz bideratutako eraldaketa sakon bat izan du Bizkaiko ekonomiak azken hamarkadetan, sektore finkoa du zerbitzu aurreratuetan, eta, aldi berean, apustua egin du goraka doazen etorkizun oparoko sektoreetan dibertsifikatutako ekonomia baten alde.

Ekonomia Sustatzeko Saila aktiboki lan egiten du enpleguaren sorrera eta Bizkaiko industria- eta enpresa-ehuna sustatzeko, aurrerapen ekonomiko eta soziala lortzeko.

Ekonomia Sustatzeko Sailak enpresa berrien sustapenarekin duen konpromisoa, eta, bereziki, enpresa sortzaileenekin duen konpromisoa, funtsezko tresna da Bizkaian aberastasuna eta enplegua sortzea bermatzeko, eta argi eta garbi adierazten da Bizkaia Sortzailea programa honetan. Sormen-enpresen sorrerarekin batera, haien hazkundea bizkortzen laguntzea, lehendik dauden enpresetan jarduera ekonomikoa sortzeari dagokionez, funtsezko alderdia da Bizkaiko garapen ekonomiko eta sozialerako.

Gure lurraldeen garapena eta hazkundea ahalbidetuko duen enpresa-ehun dinamiko, sortzaile, berritzaile eta iraunkorra izatearren, Bizkaiko Foru Aldundiak sendotu egiten du enpresa-proiektu berriak garatzearen alde egiten duten enpresa eta pertsonekin duen konpromisoa.

Hori dela eta, Ekonomia Sustatzeko Sailak beharrezkotzat jotzen du 2025ko ekitaldian berariazko programa bat garatzea, Bizkaia Sortzailea izenekoa, Bizkaian sormen-industriak sustatzeko.

Sormen-enpresak sortzeko laguntza emateko jardueri dagokienez, Ekonomia Sustatzeko Sailak egindako ahalegina indartu egiten da Beaz, SAU, Seed Capital de Bizkaia, SGFCR, SA eta Crowdfunding Bizkaia, PFP, SL sozietate publikoek sustatutako jardueri esker.

Ekonomia Sustatzeko Sailaren 2024-2027 Dirulaguntzen Plan Estrategikoak sormen-industriak bultzatzea eta dinamizatzea ekintza bat aurreikusten du, eta Bizkaiko



Lurralde Historikoaren Aurrekontu Orokorretan, urtero, horiek gauzatzeko behar diren kredituak esleitzen dira, eta, horretarako, beharrezkoa da araudi erregulatzaileraz aritzea. Ekintza horren helburu espezifikoak dira ekintzailatza bultzatzea eta Bizkaian enpresak sortzen eta sendotzen laguntzea, Bizkaiko enpresa-sare berriaren eragile gisa ekintzailatza aurreratua bultzatzeko plan estrategiko horren helburu estrategikoetako bat lortzen lagunduz.

II

Bizkaiko Foru Aldundiari dagokio xedapen honen xede den gaiaren gaineko eskumena, hala ondorioztatzen baita Bizkaiko Lurralde Historikoko Foru Erakundearen Hautaketa, Antolaketa, Araubide eta Funtzionamenduari buruzko otsailaren 13ko 3/1987 Foru Arauaren 17.2 artikulua eta Toki Araubidearen Oinarriak arautzen dituen apirilaren 2ko 7/1985 Legearen 36.1.d) artikulua modu koordinatuan irakurrita. Lege horretan ezartzen denez, foru aldundien berezko eskumena da garapen ekonomiko eta soziala sustatzeko lankidetzaren ematea, arlo horretan gainerako administrazio publikoek dituzten eskumenekin bat etorritik.

Ekonomia Sustatzeko Foru Sailaren Egitura Organikoari buruzko Erregelamendua onesten duen Bizkaiko Foru Aldundiaren ekainaren 6ko 61/2024 Foru Dekretuak Ekonomia Sustatzeko Foru Sailari esleitzen dio ondorengo xedekak dituzten jarduerak garatzearen eta sustatzearen arloko jarduna: enpresak sustatzea, enpresa berriak sortzea eta kultura ekintzaileraz sustatzea, enpresak dibertsifikatzea eta sortzen eta hazten ari diren sektoreak sendotzea, eta talentua eta jakintza erakarri eta sustatzea.

III

Foru dekretu honek betetzen ditu erregulazio onaren printzipioak, zeinak aurreikusitako baitira Administrazio Publikoaren Administrazio Prozedura Erkidearen urriaren 1eko 39/2015 Legearen 129. artikuluan eta Bizkaiko Foru Aldundiaren ekainaren 15eko 87/2021 Foru Dekretuaren 3. artikuluan (dekretu horren bidez, Bizkaiko Foru Aldundian xedapen orokorrak egiteko prozedura arautzen da; manuok bete egin dira xedapena egin eta izapidetzeko orduan, eta txosten hauek eman dira:

1. Genero-inpaktuaren aurretzeko ebaluazioa.
2. Ekonomia Sustatzeko Sailaren txosten juridikoa.
3. Generoaren eraginaren aurretzeko ebaluazioari buruzko txostena.
4. Kliman daukan eraginaren ebaluazioari buruzko txostena.
5. Memoria ekonomiko-administratiboa eta erregulazio onaren printzipioei buruzkoa.
6. Kontrol ekonomikoari buruzko txostena.
7. Legezketasunari buruzko txostena.

Dekretu honetan arautzen diren laguntzak norgehiagokarik gabeko prozeduraren bidez emango dira; Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauaren 20. artikuluan aurrez ikusita dago prozedura hori.

Era berean, genero-ikuspegia jaso da foru-dekretu hau prestatzeko orduan, arau hauetan xedatzen dena betetzeko: Emakumeen eta Gizonen berdintasunerako eta emakumeen aurkako indarkeria matxistarik gabeko bizitzetarako Legearen Testu Bategina onartzen duen martxoaren 16ko 1/2023 Legegintzako Dekretua, Emakumeen eta Gizonen berdintasunerako ekainaren 20ko 4/2018 Foru Araua eta Bizkaiko Foru Aldundiaren azaroaren 19ko 141/2013 Foru Dekretua, zeinaren bidez generoaren eraginaren aurretzeko ebaluazioa egiteko jarraibideak ezartzen baitira (ebaluazio hori 4/2005 Legearen dago aurrez ikusita, orain 1/2023 Legegintzako Dekretuan). Ildo horretan, lehen adierazi den bezala, foru-dekretu honen izapidetzean generoaren araberrako eraginaren aurretzeko ebaluazioari buruzko txostena sartu da.

Era berean, kontuan hartu da zer ezarrita dagoen hala maiatzaren 28ko 63/2019 Foru Dekretuan (haren bidez, Bizkaiko Foru Aldundiaren, haren erakunde autonomoen



eta foru sektore publikoaren jardun-eremuan hizkuntza ofizialak erabiltzeko irizpideak ezartzen dira), nola Bizkaiko Foru Aldundiaren dirulaguntzetarako prozeduretan klausula sozialak, ingurumenekoak eta beste politika publiko batzuei buruzkoak sartzeko gidan (Bizkaiko Foru Aldundiaren otsailaren 27ko 16/2018 Foru Dekretuaren bidez onetsi zen).

IV

Oinarri hauetan arautzen diren dirulaguntzak salbuetsirik daude aurretik Europako Batzordeari jakinarazi behar izatetik, hurrengo erregelamendua dela bide: 2023ko abenduaren 13ko 2023/2831 (EB) Erregelamendua, Batzordearena, zeinak zehazten baitu de minimis laguntzei nola aplikatu behar zaizkien Europar Batasunaren Funtzionamenduari buruzko Tratatuaren 107. eta 108. artikulua haren luzapenari dagokionez.

V

Foru Administrazioak ematen dituen dirulaguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 16.1. artikulua ahalmena ematen dio Bizkaiko Foru Aldundiari dirulaguntzen emakida arautuko duten oinarriak onesteko foru dekretu bidez, aurretik zerbitzu juridikoak txostena emanda; eta Dirulaguntzen Erregelamendua onetsi zuen Bizkaiko Foru Aldundiaren 2010eko martxoaren 23ko 34/2010 Foru Dekretuaren 41.1 artikulua aukera ematen du oinarri arautzaileak eta deialdia batera izapidetzeko, eta ezartzen du Bizkaiko Foru Aldundiaren Gobernu Kontseiluak duela haiek onesteko ahalmena.

Halaber, Bizkaiko Lurralde Historikoko Foru Erakundeen Hautapen, Antolaketa, Araubide eta Funtzionamenduari buruzko otsailaren 13ko 3/1987 Foru Arauaren 39.k) artikulua ezartzen du foru diputatuen eskumena dela, besteak beste, Foru Aldundiari proposamenak aurkeztea haien sailtako gaiei buruzko foru dekretuen proiektuak onetsi dituzan. Horrela, bada, kasu honetan Ekonomia Sustatzeko foru diputatuari dagokio foru dekretuaren proiektu hau proposatzea.

Hori dela bide, Ekonomia Sustatzeko foru diputatuak proposatuta, eta Bizkaiko Foru Aldundiak 2025ko martxoaren 20ko bileran aztertu ondoren, honako hau.

XEDATZEN DUT:**Artikulu Bakarra.— Oinarri arautzaileak eta deialdia onartzea**

2025 urterako Bizkaia Sortzailea dirulaguntza-programako oinarri arautzaileak eta deialdia onartzen dira, eta honen ondoren doa haren testua.

XEDAPEN GEHIGARRIA**Xedapen Gehigarri Bakarra.— Izaera pertsonaleko datuen babesa**

1. 2016/679 (EB) Erregelamenduak (datu pertsonalen tratamenduari dagokionez pertsona fisikoen babesari eta datu horien zirkulazio askeari buruzkoa), 13. artikuluan eta 3/2018 Lege Organikoak (abenduarien 5ekoa, Datu Pertsonalak Babestu eta Esku-bide Digitalak Bermatzekoa) 11. artikuluan xedatzen duena betez, eta eskaera horien kudeaketaren eta eragiten dituzten jardueren ondorioz, hona zer tratamendu dagokien:

- Tratamendu-jarduera: Ekonomia sustatzeko ekintzak kudeatzea eta kontrolatzea.
- Tratamenduaren arduraduna eta kontaktua: Ekintzailatza, Talentua eta Enpresen Lehiakortasuna bultzatzeko Zuzendaritza Nagusia.
- Tratamenduaren helburua: helburu haiek dituzten ekonomia-sustapeneko ekintzak kudeatu eta kontrolatzea, hots, ekintzailatza aurreratua sustatzea; startupak azeleratzea; Bizkaia ekintzailatza eta berrikuntza irekiko erreferente gisa kokatzea; finantzaketa-ekosistema erakargarri bat sendotzea; talentua erakarri eta sustatzea; emakumeek enpresan, zientzian eta teknologian duten eginkizuna ikusarazi eta sustatzea; berrikuntza, lehiakortasun jasangarria eta trantsizio digital nahiz berdea bultzatzea; eta bikaintasun-zentroen sarea babestea.



— Interesdunaren eskubideak: Honako hauetarako eskubideak balia ditzake tratamenduaren arduradunaren aurrean: datuak atzitu, zuzendu, oposatu, ezabatu, tratamendua mugatu eta erabaki indibidual automatizatuen helburu ez izan. Horretarako, idazki bat bidal dezake Informazioaren Segurtasunerako eta Datuen Babeserako Atalari, bitarteko hauen bidez aurkeztuta:

- BFAREN egoitza elektronikoa: <https://www.ebizkaia.eus>
- Herritarrentzako BFAREN aurrez aurreko arreta-bulegoak: <https://web.bizkaia.eus/eu/erregistro-puntua>.
- 39/2015 Legean ezarritako gainerako lekuak: LOPD.sustapena@bizkaia.eus

— Datuen babesari buruzko informazio gehiago: [Xehetasuna - Bizkaia.eus](http://Xehetasuna-Bizkaia.eus).

2. Edozein bide erabiliz eskaerak egin, eta interesdunek administrazio publikoen eskuetan dauden datu pertsonalak ematen badituzte, eskaeraren hartzailea den organoak beharrezko egiaztatze-lanak egiteko aukera izango du, dituen eskumenen barruan, datuak benetakoak direla egiaztatzeko.

XEDAPEN IRAGANKORRA

Xedapen Iragankor Bakarra. — *Aurreko urteko Bizkaia Sortzailea Programaren aplikazioa*

1. Bizkaiko Foru Aldundiaren 26/2024, martxoaren 7ko Foru Dekretuaren babesean aurkeztutako dirulaguntza-eskabideak foru dekretu horretan ezarritakoarekin bat ebatziko dira.

2. Xedapen iragankor honetan adierazitako araudiaren babesean aurkeztutako eskaeren ondoriozko itzultze-prozedurak, zehapen-prozedurak, errekursoak, berrikuspenak eta bestelako gorabeherak foru dekretu horretan ezarritakoaren arabera ebatziko dira.

XEDAPEN INDARGABETZAILEA

Xedapen Indargabetzaile Bakarra. — *Aurreko urteko Bizkaia Sortzailea dirulaguntza-programa indargabetzea*

Foru dekretu hau indarrean jartzen denean, indargabeturik geratuko da martxoaren 7ko 26/2024 foru dekretua; hala ere, aplikatu daiteke beraren indarraldiaren barruan sortutako egoeretan, xedapen iragankorrean aurreikusitakoarekin bat.

AZKEN XEDAPENA

Azken Xedapenetako Lehena. — *Ahalmenak ematea*

1. Ahalmena ematen zaio Ekonomia Sustatzeko foru diputatuari, foru dekretu honetan xedatzen dena garatu, betearazi eta aplikatzeko beharrezko xedapen guztiak eman ditzan, baita dirulaguntzen emakida ere.

2. Halaber, Ekonomia Sustatzeko foru diputatuari ahalmena ematen zaio, Administrazio Publikoaren Administrazio Prozedura Erkidearen urriaren 1eko 39/2015 Legearen 32.4 artikuluan jasotako kasua gertatzen bada foru agindu bidez eskabideak aurkezteko epea luzatu edo ixteko.

3. Era berean, Ekonomia Sustatzeko foru diputatuari ahalmena ematen zaio beste dirulaguntza-deialdi batzuk egiteko, aurrekontuko diru-hornidura amaitu ezean.

4. Gainera, ekonomia sustatzeko foru diputatuari ahalmena ematen zaio subrogazio-eskaerak ebazteko.



Azken Xedapenetako Bigarrena. — Indarrean jartzea

1. Foru Dekretu honen bidez onetsitako oinarri arautzaileak indarrean jarriko dira «Bizkaiko Aldizkari Ofizialean» argitaratu ondoren. Zehazki, aldizkari horretan argitaratzen denean batera onartzen diren deialdiaren laburpena.

2. Foru dekretu honen bidez onartutako deialdiak ondorioak izango dituzte Bizkaiko Aldizkari Ofizialean deialdiaren laburpena argitaratzen den egunetik aurrera.

Bilbon, 2025eko martxoaren 20an.

Ekonomia Sustatzeko foru diputatua,
AINARA BASURKO URKIRI

Ahaldun Nagusia,
ELIXABETE ETXANOBE LANDAJUELA



2025. URTERAKO BIZKAKIA SORTZAILEA DIRULAGUNTZA-PROGRAMAKO OINARRIAK ETA DEIALDIA

AURKIBIDEA

I. titulua. — Xedapen orokorrak.

1. oinarria. — Dirulaguntzaren xedea.
2. oinarria. — Definizioak.
3. oinarria. — Dirulaguntzaren onuradunak.
4. oinarria. — Diruz lagundu daitekeen egitatea.
5. oinarria. — Dirulaguntza jaso dezaketen gastuak.
6. oinarria. — Dirulaguntzen zenbateko indibidualizatua.
7. oinarria. — Aurrekontuko zuzkidura.

II. titulua. — Araubide juridikoa.

8. oinarria. — Araubide juridikoa.
9. oinarria. — Organo eskudunak eta erakunde laguntzailea.
10. oinarria. — Arau-haustek eta zehapenak.
11. oinarria. — Ez-betetzea eta dirulaguntza itzultzea.
12. oinarria. — Dirulaguntza erakunde onuradunaren ekimenez itzultzea.

III. titulua. — Dirulaguntzak emateko prozedura.

13. oinarria. — Dirulaguntza eskabideak aurkezteko lekua, era eta epea, eta ondorengo izapideak eta SEPEn inskribatzea.
14. oinarria. — Eskabidea egiteko behar den dokumentazioa eta interoperabilitatea.
15. oinarria. — Eskabidea zuzentzea edo hobetzea.
16. oinarria. Dirulaguntza emateko prozedura.
17. oinarria. — Eskabideak baloratzeko irizpideak.
18. oinarria. — Ebazpena.
19. oinarria. — Errekurtsoak.
20. oinarria. — Dirulaguntzari uko egitea.
21. oinarria. — Dirulaguntza emateko ebazpena aldatzea.
22. oinarria. — Emandako dirulaguntzen publizitatea.
23. oinarria. — Onuradunak eman zaion dirulaguntzaren publizitatea egitea.
24. oinarria. — Jakinarazpen elektronikoa.

IV. titulua. — Gauzatzea, justifikatzea eta kontrola.

25. oinarria. — Gauzatzeko epea.
26. oinarria. — Justifikazio-epea.
27. oinarria. — Azpikontratazio-baldintzak eta loturadun pertsonetikiko baldintzak.
28. oinarria. — Dirulaguntzak justifikatzea.
29. oinarria. — Dirulaguntza ordaintzea.
30. oinarria. — Laguntzak metatzea.
31. oinarria. Laguntzen bateragarritasuna.
32. oinarria. — Pertsona onuradunen beste betebeharrak.



I. TITULUA

XEDAPEN OROKORRAK

1. oinarria.— *Dirulaguntzaren helburua*

1. Dirulaguntza-programa honen bidez, helburu hauek lortu nahi dira:
 - a) Lehendik dauden edo sortu berri diren Bizkaiko enpresa sortzaileek dituzten proiektu sortzaile berrien garapena bultzatzea, era horretara Bizkaian enpresa sortzaileen sektore indartsua finka dadin.
 - b) Nazioarteko ikusgarritasuna duten enpresa-proiektu sortzaileak, sektore horretara talentua erakartzea ahalbidetuko dutenak, garatzea, Bizkaia lurralde eta hiri sortzaileen nazioarteko sareetan jartzeko.
 - c) Enpresa sortzaileen hazkundera azeleratzea, jarduera ekonomikoa sortuta.
 - d) Sorkuntza sektoreak sustatu eta finkatzeko interesgarriak diren proiektuen garapena sustatzea.

2. oinarria.— *Definizioak*

Oinarri eta deialdi hauen ondorioetarako, honela ulertu behar da:

1. Enpresa sortzailea: Bere jarduera konponbide originalak eta sortzaileak garatze-
ra bideratzen duen enpresak. Enpresa horiek sorkuntza, ekoizpena eta merka-
turatzea konbinatzen dituzte, elementu estetikoak, sortzaileak eta funtzionalak
eskaintzen dituzten produktuak edo zerbitzuak izateko.
2. Proiektu sortzailea: ekoizpen sistematizatu eta/edo seriatu baten eta/edo bana-
keta masibo baten pean elementu estetiko, sortzaile eta funtzionalak dituzten
produktuak edo zerbitzuak lortzea helburu duena, konpainiak eskalako ekono-
mian negozio-eredu bat izan dezan.
3. Enpresa sortzaile berria: Enpresa sortzaile berrizat hartzen dira EJZn 2023ko
urtarrilaren 1eko edo geroagoko alta-data dutenak.
4. Ekoizpen zentroa»: antolamendu espezifikoak duen ekoizpen-unitatea, hala alta
emanda dagoena lan-agintaritzaren aurrean, lantoki bat osatzen duena Langi-
leen Estatutuaren Legearen testu bategina onartzen duen urriaren 23ko 2/2015
Legegintzako Errege Dekretuaren 1.5 artikulua araberak.
5. Bilbao Bizkaia Design Council (BiDC): Bilboko Udalak eta Bizkaiko Foru Aldun-
diak sortu zuten ekimen honen helburua sormen-industriak sustatzea da, Bil-
bo-Bizkaia-aren garapen ekonomikoa bultzatzeko eta nazioartean zabalkundera
lortzeko. Haren jarduera nagusia sektore zehatzak burutzen da eta ezaugarri
hauek dituzte: gazteentzako lanpostuak sortzea, batez ere hiri inguruetan buru-
tzen dira eta hiri eta lurraldearen etorkizunerako konponbide estrategikoak aurre-
ratzeko eta proposatzeko gaitasuna dute. Hauexek dira sektoreak: Arkitektura,
artisautza, bideo-jokoak, diseinua, komunikazioa, eduki digitalak, ikus-entzunez-
koak, barrualdeetako diseinua eta moda.
6. Negozioaren garatzailea: talde sustatzailearen gabeziak osatzea, enpresaren
negozio-planaren abiaraztea bultzatzea eta salmentetarako zein merkaturatzeko
sare bat egituratzea zeregintzat duena.
Enpresako teknikariak, administrariak edo komertzialak kontratatzea ez da hala-
kotzat hartuko.
Pertsona horrek egiaztatu behar du aurretik baduela esperientzia enpresa be-
rrian beteko dituen eginkizunetan.
7. Deslokaliazioa: Enpresak deslokalizatzen direnean Foru Sektore Publikoak la-
guntzak berreskuratzeari buruzko martxoaren 27ko 7/2007 Foru Arauaren (au-
rrerantzean, 7/2007 Foru Araua) 2. artikulua araberak, enpresa bat deslokali-
zatu egin dela ulertuko da bi inguruabar hauek batera gertatuz gero:
 - a) Enpresak Bizkaiko Lurralde Historikoan duen jarduera bertan behera uztea
edo nabarmen murriztea.



- b) Aldi berean, edo hori gertatu aurreko nahiz osteko hiru urteetan, Bizkaiko Lurralde Historikoan jarduera bertan behera utzi duen erakundeak berak jarduera hori Bizkaiko Lurralde Historikotik kanpoko beste leku batean garatzea, edo beste erakunde batek garatzea, baldin eta harekin Merkataritzaren Kodeko 42. Artikuluan aipatzen diren harremanak baditu, edo hari lotuta badago Sozietateen gaineko Zergari buruzko abenduaren 5ko 11/2013 Foru Arauan azaltzen den moduan.

3. oinarria.— *Dirulaguntzaren onuradunak*

1. Pertsona fisiko edo juridiko hauek jo ahal izango dira dirulaguntzen onuradun-tzat:

- a) Lanaldi osoko enplegu bat duten sormen-enpresak eta jarduera nagusia ikus-entzunezkoen, bideojokoan, modaren eta produktuen eta zerbitzuen diseinu industrialaren sektorearen esparruetan garatzen duten enpresa sortzaileak.

Dekretu honen ondorioetarako, honako definizio hauek hartuko dira kontuan:

Ikus-entzunezkoak: multimedia edukiak diseinatu edo ekoiztea.

Bideojokoak: multimedia edukiak diseinatu edo ekoiztea.

Moda: gutxienez sektoreko balio-katearen diseinu-fasean jardutea.

Produktuen eta zerbitzuen diseinu industrialak: berezko konponbide formala eta funtzionalak eskaintzea, ez direnak «giltza eskura» direlakoak eta eskatu dituen enpresaren produktu nahiz zerbitzuen katalogoan sartzen direnak.

Ez dira sartzen diseinu grafikoa eta barne-diseinua.

Onuradun izateko eskatzen den enplegua Bizkaiko produkzio-zentroari atxikita egon beharko da eta Bizkaian garatu beharko du bere lana.

Plantillakotzat joko dira lan-harreman bat dela medio enpresari loturiko pertsonak, Gizarte Segurantzaren Araubide Orokorrean jasota daudelarik.

Halaber, plantillako kideetat hartuko dira lan elkartuko kooperatibetako bazkide langileak, Gizarte Segurantzaren Araubide Orokorrean sartuta ez badaude ere, eta enpresan lan- edo lanbide-jarduera garatzen duten pertsonak, baldin eta, duten izaeragatik, ezin badira Gizarte Segurantzaren Araubide Orokorrean alta emanda egon, Gizarte Segurantzaren testu bategina onartzen duen urriaren 30eko 8/2015 Legegintzako Errege Dekretuaren 305.2 artikuluko b eta e letretan jasotakoaren arabera.

Horrenbestez, langile bat lan-harreman bidez enpresari atxikitako langile autonomotzat jotzeko, enpresa horren nomina izan beharko du edo autonomoen ordainagiria enpresak ordaindu beharko dio.

Ez dira plantillakotzat joko atzerriko instalazioetan lan egiteko kontratatu diren langileak.

Seme-alabak edo mendetasuna duten pertsonak zaintzeagatik lansaioa murrizten den kasuetan, erakunde eskatzailearen beraren eskariz, murrizketa kontuan hartu gabe konputatu ahal izango dira lansaio horiek.

- b) Irabazi-asmorik gabeko sektore-elkartek, Bilbao Bizkaia Design Council (BiDC) delakoan identifikaturiko industria sortzaileen sektoreetarikoren bateko enpresak eta/edo profesionalak biltzen dituztenak, zeinen jarduera nagusia ez den ekitaldiak, biltzarrak, azokak, lehiaketak edo halakoak antolatzea, kasu honetan izan ezik: Ekonomia Sustatzeko Sailaren beste laguntza-programa batzuen bidez laguntza jaso duten sektoreetakoak..

Honako sektore hauek identifikatzen dira BiDC delakoan industria sortzaileen arloan: arkitektura, artisautza, barne-diseinua, bideo-jokoak diseinua, eduki digitalak, ikus-entzunezkoak, komunikazioa eta moda.



2. Enpresek eta irabazi asmorik gabeko sektore-elkarteek baldintza hauek bete beharko dituzte eskabidea aurkezten dutenean dirulaguntzaren onuradun izateko:

- a) Sozietatearen helbidea eta zerga-helbidea lurralde horretan izatea.
- b) Gutxienez, ekoizpen zentro bat Bizkaiko Lurralde Historikoan izatea.
- c) Legez eraruta egotea merkataritzako sozietate moduan, kooperatiba moduan edo irabazteko asmorik gabeko elkarte moduan.
- d) EJZn alta emanda egotea.

Enpresen EJZa hauen sektoreetako balio-katearena izan beharko da: ikus-entzunezkoak, bideojokoak, moda edo produktuen eta prozesuen diseinu industriala.

- e) Egunean edukitzea zerga betebeharrak, Gizarte Segurantzarekikoak eta dirulaguntzak itzultzeari dagozkionak. Era berean, Dirulaguntzei buruzko azaroaren 17ko 38/2003 Lege Orokorraren 13.3 bis artikulua arabera (aurrerantzean, 38/2003 Legea), 30.000,00 eurotik gorako dirulaguntzetan, eskatzaileak merkataritza-eragiketetan berankortasunaren aurka borrokatzeko neurriak ezartzen dituen abenduaren 29ko 3/2004 Legeari (aurrerantzean, 3/2004 Legea) lotutako irabazi-asmorik gabeko zuzenbide publikoko erakundeez bestelako pertsona fisikoak edo juridikoak badira, ordainketa-epeak betetzen dituztela egiaztatu beharko dute, artikulua horretan xedatutako baldintzetan. Enpresa hornitzaileari aldez aurretik kobratzea ahalbidetzen dion finantzaketa oro baliozkotzat joko da apartatu hau betetzeari dagokionez, baldin eta haren kostua bezeroaren kontura bada eta, ordaindu ezean, hornitzailearengana jotzeko aukerarik gabe egiten bada. Baldintza hori betetzen dela eskabidea aurkezten den unean egiaztatuko da, eta egiaztatu ezean, zuzentzeko errekerimendua egingo da.
- f) Ez egotea Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauaren (aurrerantzean 5/2005 Foru Araua) 12. artikuluan jasotako debeku-egoeretako batean ere).

Baldintza guztiak bete behar dira eskabideak aurkezteko epea amaitzen denean eta emakidak eta ordainketak egiten diren unera arte mantendu.

3. Ezingo dute deialdi honetan parte hartu, ezta onuradun izan ere, honako hauek:

- a) Emakumeen eta Gizonen Berdintasunerako ekainaren 20ko 4/2018 Foru Arauaren 42. artikuluan (aurrerantzean 4/2018 Foru Araua) eta 1/2023 Legegintzako Dekretuaren 23.2 artikuluan adierazitako egoeretako batean dauden pertsona fisiko eta juridikoak, publikoak edo pribatuak.
- b) Pertsona fisikoak eta juridikoak, publikoak edo pribatuak, administrazioaren ebazpen irmo bidez zigortuak izan direnak Tratu berdintasunaren eta diskriminazio ezaren uztailaren 12ko 15/2022 Lege Integralaren IV. tituluaren aurreikusitako termino eta epeetan oso larri gisa kalifikatutako arau-hausteengatik.
- c) Jarduera interfazearen diseinuaren arloan garatzen duten enpresak, hau da, softwareko tresnen diseinu, garapen, dokumentazio eta ezarpenaren arloan dihardutenak.
- d) Txikizkako gehienez merkataritzaren arloan diharduten enpresak, eskabideak aurkezteko epea amaitzen denean alta emanda dagoen EJZen epigrafearen arabera.
- e) Beren jardueren artean kontsulta- eta aholkularitza-zerbitzuak ematen dituzten enpresak.

Dekretu honen ondorioetarako, kontsulta-enpresatzat hartuko dira industria-jarduerari, jarduera digitalei eta jarduera ekonomikoei buruzko aholkularitza-, informazio- eta ebazpen-zerbitzuak ematen dizkieten enpresak, baita estrategiari, berrikuntzari eta ekintzailetzari buruzko aholkularitza zerbitzuak eskaintzen dituzten enpresak ere.

- f) Jarduera nagusitzat ekitaldiak, kongresuak, azokak, lehiaketak edo antzekoak antolatzea duten irabazi-asmorik gabeko elkarteak.



- g) Pertsona fisikoak edo enpresaburu indibidualak zuzenbide publikoko erakundeak, ondasun erkidegoak, sozietate zibilak, fundazioak eta junior enpresak.
Dekretu honen ondorioetarako, junior enpresatzat joko dira irabazi-asmorik gabeko elkarteak, unibertsitateko gazteen ekimenez prestatutako eta kudeatutako enpresa baten egitura eta funtzionamendua dutenak.
- h) Laguntza bat legez kontraktatzen edo barne-merkatuarekin bateraezintzat adierazi duen Europako Batzordearen aurretiko adierazpen baten ondoren laguntza hori berreskuratzeko agindu baten zain dauden pertsonak edo erakundeak.
- i) Enpresa Berritzaileak Sortzeko Programan Bizkaiko Foru Aldundiko Ekonomia Sustatzeko Sailaren parte hartu dezaketen erakundeak.

4. oinarria. — Diruz lagundu daitezkeen egitatea

- 1. Honako hauek joko dira diruz laguntzeko egitatetzat:
 - a) Enpresa sortzailea sortzea.
 - b) Lehiakortasuna hobetzeko sormen-proiektuak garatzea jada existitzen den enpresa sortzaile batean: negozio sortzaile baterako lerro berri bat, enpresaren jarduketa argiro dibertsifikatzea dakarrena, edo sormen-proiektu bat aukera ematen duena produktua/zerbitzuaren estandarizaziorako edo negozioaren eskalabilitaterako.
 - c) Dagoeneko garatuta dauden sormen-produktuak nazioarteko merkatuetan merkaturatzea, lehendik dauden sormen-enpresentzat.
 - d) Elkarreentzat, enpresa sortzaileen gaitasun profesionalak, fakturazioa eta/edo enplegua hazteko bide diren proiektuak garatzea; helburuak sorkuntza sektoreen mugak gainditzea, lankidetzaren teknika edo merkataritzakoa sustatzea eta lehiakortasuna handitzea dira.
- 2. Ez da diruz laguntzeko egitatetzat joko:
 - a) Bizkaiko Foru Aldundiaren bestelako programa edo jarduketa arloen barruan sar daitezkeen proiektuak eta jarduerak.
 - b) Sexua edo 1/2023 Legegintzako Dekretuaren 3.1 artikuluan jasotako askotariko diskriminazio faktoreak direla-eta diskriminatzailea den jarduerak.
 - c) 15/2022 Legearen IV. tituluan arau-hauste gisa kalifikatutako praktikak erasotzen, suspertzen edo onartzen dituen jarduerak edo xede betetzea.
 - d) Ekitaldiak, biltzarrak, azokak, lehiaketak eta/edo halakoak besterik gabe antolatzea.

5. oinarria. — Dirulaguntza jaso dezaketen gastuak

- 1. Diruz lagun daitezkeen gastutzat joko dira proiektu edo jardueraren izaerari eta garapen normalari erantzuten dioten eta epearen barruan egin diren beharrezko gastu hauek, betiere indarreko arautegiaren arabera behar bezala justifikatu badira:
 - a) Bideragarritasun eta merkatu-azterlanak, marketin-azterlanak, eta txosten teknikoak.
 - b) Produktuaren edo zerbitzuaren kontzeptua, ezaugarriak eta oinarrizko funtzionalitateak garatzea.
 - c) Proiektua garatzeko kanpoko aholkularitza.
 - d) Jabetza intelektuala edo industrialak babestea, erregistroak, ziurtagiriak eta homologazioak.
 - e) Bidaiak egitea eta azoketan parte hartzea.
 - f) Abian jartzeko gastuak.
 - g) Proiekturako jarritako langileen barruko gastuak.
- Pertsona bakoitzeko kostua kalkulatzeko horrela egingo da:
G.S.K.O. * 1,25 * hilabete kopurua * dedikazioaren %.



Non:

- 1) G.S.K.O.: gertaera arruntak direla-eta langileak Gizarte Segurantzari egin beharreko hileko kotizazio-oinarria da, eskaera egin aurreko bi hilabeteetako bateko LIZn edo KOTn arabera. Beste kotizazio-araubide batzuen mendeko pertsonen dagokienez, Gizarte Segurantzaren araubide orokorreko oinarriekin parekatutako oinarri bat hartuko da.
 - 2) Hilabete kopurua: pertsonak proiektuan lan egin duen hilabete kopurua da.
 - 3) Dedikazioaren %: proiektua garatzen emandako lanaldiaren ehuneko da.
2. Gainera, enpresa berrien kasuan, hau da, EJZko altaren lehenengo data 2023ko urtarrilaren 1a edo 1az gerokoa dutenak, ondorengo gastuak ere izango dira diruz lagungarriak:
- a) Enpresa berria sortzeagatiko prima.
Sozietatearen kapitala eskrituran eta eskudirutan ordaindua izan behar dute, eskabideak aurkezteko epea amaitzen denean, pertsona fisiko eta juridiko ekintzailak.
Diruz lagundu ahal izango dira kapital sozialaren gehikuntzak, ekintzaileen kredituak konpentsatzeko modalitatean eta eskudirutan emandako jaulkipen-primaren modalitatean egindakoak.
 - b) Bizkaian negozio-lokala errentan hartzea.
Errentamendu-kontratua eskabideak aurkezteko epea bukatzen denean formalizatuta egon beharko da eta gehienez negozioko lokalaren urte bateko errentamendua lagunduko da diruz. Gastu hori ez da diruz lagunduko zuzenbide publiko edo pribatuko entitateen bidez diruz laguntzen edo hobaritzen bada.
 - c) Negozioa garatzeko pertsona bat kontratatzea.
 - 1) Pertsonako kontratazio - kostua honela kalkulatu da:
G.S.K.O. * 1,25 * hilabete kopurua
Non:
 - i. G.S.K.O. gertaera arruntak direla-eta langileak Gizarte Segurantzari egin beharreko hileko kotizazio-oinarria da, eskaera egin aurreko bi hilabeteetako bateko LIZn arabera.
 - ii. Zenbat hilabetetan lan egin duen proiektua gauzatzeko negozioaren garatzeko pertsonak.
 - 2) Negozioa garatzen duen pertsona kontratatuta egon behar da eskabideak aurkezteko epea bukatzen denean eta, gehienez ere, urtebeteko kontraturako dirulaguntza emango da, ezarritako burutzeko epean.
 - 3) Negozioa garatzen duen pertsona Bizkaiko ekoizpen-zentroan egon beharko da atxikita eta lansaio osoa edo baliokidea izan beharko du eskabideak aurkezteko epea bukatzen denean.
 - 4) Ez da diruz lagunduko enpresa berriko bazkideak kontratatzea, ezta talde bereko enpresetakoak diren pertsonak lekuz aldatzea ere.
 3. Honako hauek ez dira dirulaguntza jaso dezaketen gastutzat joko:
 - a) Zergak eta tasak, BEZa barne (BEZa berreskuratu ezin den kasuetan ere bai), eta jabetza industrial babesteko prozesuei lotutako tasak kanpo utzita.
 - b) Dirulaguntzaren xedea den jarduerarekin argi eta garbi, okertzeko aukerarik gabe, identifikatu ezin diren gastuak.
 - c) Argi identifikatuta, zehaztuta eta kuantifikatuta ez dauden eta erakunde hornitzaileak identifikatuta ez duten gastuak.
 - d) Bizkaiko Foru Aldundiko beste plan, programa edo jarduera-arlo batek diruz lagundutako gastuek ezin izango dituzte dirulaguntza hauek jaso.
 - e) Diru-laguntzaren onuradunaren eta azpikontratatistaren artean lotura duten gastuak, salbu eta 27.9 oinarriak kasu horietarako aipatzen duen aldez aurreko be-



rariazko baimena lortu bada. Lotura dagoela ulertuko da Bizkaiko Foru Aldundiaren 34/2010 Foru Dekretuko 53.2 artikuluan ezarritako kasuren bat gertatzen denean.

- f) Onuradunaren eta hornitzailearen artean lotura duten gastuak, 27.10 oinarrian xedatutakoa izan ezik. Lotura dagoela ulertuko da Bizkaiko Foru Aldundiaren 34/2010 Foru Dekretuaren 53.2 artikuluan ezarritako kasuren bat gertatzen denean.
- g) Zeharkako gastuak.
- h) Barruko langile-gastuak, beste gastuaren baterako dirulaguntzarik eskatu ez bada.
- i) Janari eta mantenu gastuak.
- j) Lizentzia informatikoak eskuratzeko gastuak.
- k) Patente, erabilgarritasun-eredu edo diseinuaren eskabideari beste pertsona fisiko edo juridiko batzuek egindako alegazioen edo aurkakotzen aurreko defentsa legalen eta erantzunen gastuak.
- l) Jabetza industrialaren bulegoetan ordaindutako urtekoak.
- m) Dekretuan diruz lagundu daitekeen gastutzat ezarritako baldintza guztiak betetzen ez dituzten gastuak.
- n) Diruz lagundu daitezkeen gastuak eskuratzeko kostuak, merkatuko balioa baino handiagoak badira, antzeko gastuen batez besteko kostuarekin alderatuta.
- o) Merkataritza-eragiketetan egindako gastuak, baldin eta sektoreko araudi aplikagarrian aurreikusitako ordainketa-epeak bete gabe ordaindu badira, edo, halakorik ezean, 3/2004 Legean ezarritakoak bete gabe.

4. Ekonomia Sustatzeko Sailak uste badu gastuen zenbatekoa antzeko gastuen batez besteko kostuarekin alderatuta gehiegizkoa dela, dirulaguntzaren oinarria zehaztu ahal izango du 34/2010 Dekretuaren 72.1 artikuluan ezarritako baliabideak aplikatuz kalkulatzeko den zenbatekoan. Arrazoitzeari, jakinarazteari eta Perituen tasazio kontraesankorra sustatzeari dagokionez, 34/2010 Dekretuaren 72. eta 73. Artikuluetan adierazitakoa hartuko da kontuan.

5. Dena dela, diruz lagun daitekeen gastuaren zenbatekoak Sektore Publikoko Kontratuei buruzko azaroaren 8ko 9/2017 Legeak (aurrerantzean 9/2017 Legea) kontratu txikietarako ezarritako zenbatekoak gainditzen dituenean, onuradunak Sektore Publikoko Kontratuen Legea bete behar badu, justifikatu egin beharko du araudi horretan xedatutakoa betetzen duela. Bestela, gutxienez, hiru hornitzaile ezberdinen eskaintzak eskatu beharko ditu zerbitzua emateko edo ondasuna entregatzeko konpromisoa hartu aurretik, salbu eta, diruz lagundu daitezkeen gastuen ezaugarri bereziengatik, merkaturan ez bada nahikoa erakunderik halakorik hornitu edo eskaintzen duenik, edo salbu eta gastua dirulaguntza eskatu aurretik egin bada.

6. Aurkeztutako eskaintzak justifikazioan jaso beharko dira edo, hala badagokio, dirulaguntza eskaeran, eta haien artean aukeratzeko, eraginkortasun eta ekonomia irizpideak hartuko dira kontuan, eta, proposamen ekonomiko onuragarriena aukeratzeko ez denean, aukeraketa memoria batean justifikatu beharko da espresuki.

7. Diruz laguntzeko moduko gastuak 2024ko urtarrilaren 1etik 2026eko abenduaren 31ra bitartean egin beharko dira, eta justifikazio-aldia amaitu aurretik, hau da, 2027ko urtarrilaren 31n, benetan ordainduta egon beharko dute.

6. oinarria.— Dirulaguntzen zenbateko individualizatua

1. Diruz lagundu daitekeen egitatearen laguntzaren ehuneko eta gehieneko zenbatekoa balorazio-irizpideak aplikatuta lortutako puntuazioaren arabera ezarriko dira:



Balorazio-irizpideak ezarri ondoren lortutako puntuazioa	Dirulaguntzaren gehieneko portzentajea (%)	Dirulaguntzaren gehieneko zenbatekoa (eurotan)
50 eta 59 puntu bitartean	%80	15.000,00
60 eta 69 puntu bitartean	%80	25.000,00
70 eta 79 puntu bitartean	%100	35.000,00
80 puntu edo gehiago	%100	40.000,00

2. Proiekturako jarritako langileen barruko gastua dela eta, % 40 izango da gehieneko portzentajea eta 10.000,00 € izango da dirulaguntzaren gehieneko muga; kopuru hori aurreko taulan ezarritako mugen barruan egongo da.

Lortutako puntuazioa 50 puntutik 59ra bitartekoa bada, langileen barruko dirulaguntza 7.500,00 eurokoa izango da gehienez.

3. Hauek izango dira dirulaguntzaren gehieneko zenbatekoak honako kontzeptu hauetarako:

- Abian jartzeko gastuak: 8.000,00 euro.
- Bidaia egitea eta azoketan parte hartzea: 8.000,00 euro.
- Jabetza intelektuala edo industrial babestea, erregistroak, ziurtagiriak eta homologazioak: 8.000,00 euro.

4. Gainera, enpresa berrientzat, hau da EJZko altaren lehenengo data 2023ko urtarrilaren 1a edo ondorengoa dutenentzat:

Diruz lagungarriak diren gastuak Gastos subvencionables	Lortutako puntuazioa Puntuación obtenida	Laguntzaren gehieneko portzentajea (%) Porcentaje (%) máximo de subvención	Laguntzaren gehieneko zenbatekoa (€). Importe (€) máx. de subvención
Enpresa berria sortzeagatik hoberia Prima por constitución	≥ 50 puntu / puntos	30	15.000,00
Errendamendua Arrendamiento	50-69 puntu / puntos	60	10.000,00
	≥ 70 puntu / puntos	80	
Negozioren garatzailea Persona desarrolladora del negocio	≥ 50 puntu / puntos	50	20.000,00

5. Enpresa sortzaile berriak kasuetan, onuradun izateko baldintzak betetzen direnean, beste behin baino ezin izango da lortu laguntza, behean aipatutako gastu-kontzeptuak direla eta, betiere aurretiaz ez badira diruz lagundu eta aurreko 4. atalean ezarritako muga kuantitatiboetara iritsi arte:

- Kapital-gehikuntza.
- Bizkaian negozio-lokala errentan hartzea.
- Jabetza intelektuala edo industrial babestea, erregistroak, ziurtagiriak eta homologazioak.
- Negozioa garatzeko pertsona baten kontratazioa.

6. Dirulaguntzaren gehieneko kopurua 85.000,00 euro izango da, enpresa berrientzat, eta 40.000,00 euro, berriz, jardunean ari diren enpresentzat eta elkarteentzat.

7. Dirulaguntzaren zenbatekoa beherazko unitate hurbilenera biribilduko da.

8. Jarduera noiz egiten den kontuan hartu gabe, aurrekontu-ekitaldi baten edo gehiagoren kontura adjudikatu daitezke dirulaguntzak.

7. oinarria. — Aurrekontuko zuzkidura

1. Deialdi honetan eman daitezkeen laguntzak eta onurak, guztira bostehun eta berrogeita hamar mila (500.000,00) euro, jarraian zerrendatuko diren aurrekontu-parti-



den kontura ordainduko dira; ondoren adierazten diren gutxi estimatutako kopuruetan banakatuko dira, eta haien muga partida bakoitzean ezarritako guztizko kopurua izango da:

Aurrekontuko partida: 0803/G/426106/44300/0000 2012/0012	
Ekitaldia	Zenbatekoa (€)
2025	200.000,00
2026	200.000,00

Aurrekontuko partida: 0803/G/426106/45100/0000 2012/0012	
Ekitaldia	Zenbatekoa (€)
2025	50.000,00
2026	50.000,00

2. Aurrekontuko partidei esleitutako kopuruak gutxi gorabeherakoak dira. Onartzen diren eskabideen arabera — eta erakunde onuradunen izaera juridikoak eta diruz lagundutako gastuen kontzeptuak askotarikoak izan daitezke—, aurrekontuko partidei esleitutako baliabide ekonomikoak partiden eta jarduera-arloen artean egokitu ahal izango dira gastua aldatzeko espedienteen bidez edo espedienteen bidez. Horretarako, ez da beharrezkoa izango foru dekretu hau aldatzea, betiere partiden zenbateko osoak ezarritako muga gainditzen ez badu. Organo emaileak argitaratuko du behin betiko banaketa emakida ebazpenaren aurretik deialdiaren bitarteko berberetan. Publizitate horrek ez du esan nahi eskari berriak aurkezteko epea irekiko denik, ezta ere ebazteko epe berria hasiko denik.

3. Deialdi honetan ageri den gehieneko zenbatekoa gutxi gorabeherakoa da eta, beraz, 34/2010 Foru Dekretuaren 41.2. artikuluan ezarritakoaren arabera, eskabideak aurkezteko epea amaitu baino lehen aldatu ahal izango dira aurrekontu-kredituak, Gobernu Kontseiluak onetsitako foru dekretu baten bidez, kontuan izanda zein den, aurreikuspenen arabera, eskatutako dirulaguntzen zenbateko osoa. Hala eginez gero, eskabideak aurkezteko epea luzatu behar izango da.

4. 34/2010 Foru Dekretuaren 43. artikuluan ezarritakoaren arabera, aurrekontu zuzkiduraren zenbateko osoa gehienez ere zenbateko osagarri honekin handitu ahalko da 400.000,00 euroak:

- a) Edo zenbateko osagarria dagoenean eta zenbateko hori deialdi batzuentzat aurreikusitako zenbateko txikiagorekin ebatzitako aurreko deialdietatik datorrenean.
- b) Edo emandako dirulaguntzak baino zenbateko txikiagoengatik aurreko deialdietatik eratorritako betebeharrak aitortu edo likidatu direnean.
- c) Edo honakoak onetsi direlako eskuragarri dauden kreditu handitzea dagoenean:
 - 1) Kreditu handitzeak.
 - 2) Kredituak sortzea.
 - 3) Kredituak sartzea.

Zenbateko osagarriaren eraginkortasuna kreditu eskuragarritasun deklarazioaren baldintzapean egongo da; deklarazioa dirulaguntzaren emakida ebatzi aurretik egin beharko da. Handitze hori organo emaileak baimenduko du eta eskuragarri dauden kredituen deklarazioa argitaratu beharko du emakida ebazpenaren aurretik deialdiaren bitarteko berberetan. Gainera, publizitateak ez du esan nahi eskari berriak aurkezteko epea irekiko denik, ezta ere ebazteko epe berria hasiko denik.



5. Deialdiko eskabide guztiak ebatzi ondoren, guztira dirulaguntzetarako emandako diru kopurua aurrekontu-muga baino txikiagoa balitz, gastu-baimenaren ezeztapena tramitatuko litzateke, soberan den zenbatekoan, foru dekretu hau aldatu beharrik gabe.

II. TITULUA

ARAUBIDE JURIDIKOA

8. oinarria.— *Araubide juridikoa*

1. Deialdi honetan ezarritako dirulaguntzak araudi honekin bat arautuko dira: oinarri hauek, 5/2005 Foru Araua, 34/2010 Foru Dekretua, administrazio-zuzenbideko gainerako arauak, eta, halakorik ezean, zuzenbide pribatuko arauak aplikatuko dira.

2. Era berean, nola ematen diren dirulaguntzak de minimis laguntzat joko diren, honako araudi hauen pean egongo dira: Batzordearen 2023/2831 (EB) Erregelamendua, 2023ko abenduaren 13koa, Europar Batasunaren Funtzionamenduari buruzko Tratatuaren 107. eta 108. artikulua de minimis laguntzei aplikatzeari buruzkoa.

9. oinarria.— *Organo eskudunak eta erakunde laguntzailea*

1. Dekretu honen espedienteak Enpresak Sustatzeko Zerbitzuak antolatu eta izapidetuko ditu, Ekintzailatza, Talentua eta Enpresen Lehiakortasuna bultzatzeko Zuzendaritza Nagusiaren agindupean.

2. Espedienteen ebaluazioa ebaluazio-batzorde batek egingo du. Batzorde hori honela osatuko da:

- a) Epaimahaiko burua: Ekonomia Sustatzeko Saileko Enpresak Sustatzeko Zerbitzuko buruzagitza betetzen duen pertsona edo berak eskuordetutako pertsona.
- b) Kideak:
 - 1) Ekonomia Sustatzeko Saileko Ekintzailatza Aurreratuaren Ataleko buruzagitza betetzen duen pertsona edo hark eskuordetutako pertsona.
 - 2) Beaz, SAUko Ekonomia Sustatzeko Proiektuen zuzendaria den pertsona edo hark eskuordetutako pertsona.
 - 3) Beaz, SAUko Ekintzailatzaren arloko Koordinatzailea den pertsona edo hark eskuordetutako pertsona.
- c) Idazkaria: Ekonomia Sustatzeko Zerbitzuko teknikari bat.

Lehendakariak kalitate-botoa izango du berdinketak ebazteko, eta idazkariak ahotsarekin eta botorik gabe jardungo du.

3. Ebaluazio-batzorde hau osatzeko orduan, kontuan hartu behar da bi sexuen artean ordezkariak orekatuta egotea. Horrek esan nahi du bi sexuek nahikotasunez ordezkariak egon behar dutela, hala ezartzen baita 1/2023 Legegintzako Dekretuaren 3.10 artikuluan eta 4/2018 Foru Arauaren 44. artikuluan. Batzordea osatzen duten pertsonak betetzen duten karguagatik kide direnean, aipatutako araudian kasu horietarako jasotako salbuespena aplikatuko da.

4. Espedienteak ebaztea Ekonomia Sustatzeko foru diputatuari dagokio, instrukzio-organoak eta Ekintzailatza, Talentua eta Enpresen Lehiakortasuna bultzatzeko Zuzendaritza Nagusiko tituluak proposatuta, ebaluazio-batzordeak txostena eman ondoren.

5. Beaz, S.A.U., sozietateak erakunde laguntzaile gisa jardungo du, Bizkaiko Foru Aldundiarekin sinatutako lankidetzak-hitzarmenean xedatutakoa betez, eta hitzarmen horretan eta oinarri arautzaile hauetan adierazten diren eginkizunak beteko ditu. Era berean, indarrean dagoen dirulaguntzei buruzko araudiaren ondoriozko betekizunak eta betebeharrak bete behar ditu.

6. Lankidetzak-hitzarmena alde aurretik suntsiarazten bada, hitzarmena suntsiarazteko akordioan jasotzen diren jarraibideei jarraituko zaie.

7. Beaz, SAU sozietateak Cedemi, Ezkerraldeko Enpresak Garatzeko Zentroa, SA enpresaren laguntza izango du.

**10. oinarria. — Arau-hausteak eta zehapenak**

1. Arau-hausteen eta zehapenen araubidea 5/2005 Foru Arauaren IV. tituluan eta 34/2010 Foru Dekretuaren IV. tituluan xedatzen dena izango da.

2. Aplikatu beharrekoa izango da Administrazio Publikoen Administrazio Prozedura Erkidearen urriaren 1eko 39/2015 Legean (aurrerantzean 39/2015 Legea) ezarritakoa, Administrazio Publikoen Administrazio Prozedura Erkidearen urriaren 1eko 40/2015 Legean ezarritakoa, bai eta Euskal Administrazio Publikoen zigortzeko ahalmenari buruzko martxoaren 16ko 1/2023 Legean ere, aurreko manuari kontra egin gabe xedatzen dena.

11. oinarria. — Ez-betetzea eta dirulaguntza itzultzea

1. Jarraian aipatzen diren kasuetan, itzuli egin beharko dira jasotako dirulaguntza, dirulaguntza ordaindu den unetik itzultzea erabakitzen den datara bitartean dagozkion berandutza-interesak, eta, hala badagokio, galdu egingo da dirulaguntza kobratzeko eskubidea.

- a) Oinarri hauetan, emakidaren ebazpenean edo aplikatu beharreko araudian ezarritako betebeharrak edo baldintzaren bat betetzen ez denean.
- b) 5/2005 Foru Arauaren 33. artikuluan edo 34/2010 Foru Dekretuan aurreikusitako kausaren bat gertatzen denean.

2. Itzuli beharreko diru-kopuruak zuzenbide publikoko sarreratzat joko dira, ondorio guztietarako.

3. Itzuli beharreko zenbatekoei aplikatu beharreko berandutze- interesa 5/2005 Foru Arauaren 34. artikuluan aurreikusitakoa izango da.

4. Dirua itzultzeko prozedura 5/2005 Foru Arauaren II. tituluan eta 34/2010 Foru Dekretuaren III. tituluan xedatutakoaren arabera izapidetuko da.

5. Dirulaguntza emateko ezarritako baldintzak ez betetzeak mailakatzeko irizpideak honako hauek izango dira:

- a) Dirulaguntza ematea eragin zuen proiektuaren gastua ez bada xedatzen deialdian ezarritako epean, emandako dirulaguntza osoa galduko da.
- b) Dirulaguntza ematea eragin zuen jarduketaren gastuaren zati bat soilik xedatzen bada deialdian ezarritako epean, galdu egingo da xedatu ez den zatiari dagokion dirulaguntza, betiere xedapen partzial horrek diruz lagundutako jarduketaren helburua lortzea eragozten ez badu. Aurrekontuarekiko murrizketa bat dakarren gastua oso-osorik xedatzea ez da izango ez-betetzea.
- c) Jarduketa gauzatzeko epeak betetzen ez badira, jasotako zenbatekoak itzuli beharko dira, berandutze- interesekin batera. Hala ere, jarduketak ez badira amaitu epe orokorrean edo luzapen-epean, baina zatiren bat epe barruan egin bada, epe barruan egin ez den zatiaren dirulaguntzaren zenbatekora mugatuko da itzultzeko betebeharra, baldin eta gauzatze partzial horrek ez badu eragozten jarduketaren xedea lortzea.
- d) Ekintzak edo gastuak gauzatu edo justifikatzean ez-betetze partziala gertatzen bada, itzuli beharreko zenbatekoa proportzionaltasun-irizpidearen arabera zehaztuko da, dirulaguntza ematerakoan ezarritako baldintzen entitatea eta ez-betetze maila kontuan hartuta.
- e) Gehiegizko finantzaketa gertatzen bada, aldi berean beste laguntza batzuk jaso direlako –5/2005 Foru Arauaren 18.3. artikuluan jasotako balizkoa–, behar denaren gainetik jasotako kopurua itzuli beharko da, eta kopuru horri dagokion berandutze- interesa ezarriko zaio. Berdin-berdin jokatuko da de minimis baldintzak betetzen ez badira baimendutako laguntzak gainditzeagatik.
- f) Hedapen, gardentasun, hizkuntza koofizialen erabilera, genero berdintasun eta bestelako gizarte politika betebeharrak betetzen ez badira kobratzeko eta/edo itzulketa partziala jasotzeko eskubidea galduko da gehienez ere emandako dirulaguntzaren %10eko zenbatekoan. Kasu bakoitzarentzat adierazitako gehieneko mugaren barnean emandako dirulaguntzaren ehunekoia zehazteko proportzio-



naltasun printzipioa aplikatuko da honako irizpideen arabera: bete ez diren betebeharrak, horien tamaina, onuradunak horiek bete edo bete ez dituen, ez bete-tzearen arrazoiak eta ez betetze horiek nola eragiten duten helburuak lortzean, jarduera egitean, proiektua egikaritzean edo dirulaguntzaren emakida oinarritzen duen jokaera izatean.

- g) Oinarri hauetan ezarritako gainerako betebeharrak betetzen ez badira, emandako dirulaguntza osorik edo zati batean galduko da, oinarrietan xedatutakoaren arabera, eta, berariazko aurreikuspenik ezean, itzuli beharreko zenbatekoa proportzionaltasun-irizpidearen arabera ezarriko da, ez-betetzeak lortu nahi den helbururako duen garrantzia eta interes publikorako duen garrantzia kontuan hartuta.

12. oinarria. – Dirulaguntza erakunde onuradunaren ekimenez itzultzea

1. Onuradunak berak Administrazioaren aurreiziazko errekerimendurik gabe egindakoa da borondatezko itzulketa.
2. Borondatezko itzulketa egiten denean, Administrazioak dagozkion berandutze-interesak kalkulatu dituzte 5/ 2005 Foru Arauaren 34. artikuluan ezarritakoaren arabera eta pertsona edo erakunde onuradunak behin betiko itzulketa benetan egin duen unera arte.
3. Onuradunak berak bere borondatez itzuli nahi badu dirulaguntza, ordainketa-gutuna erabili beharko du, Bizkaiko Foru Aldundiaren eredu ofizialaren arabera, Ekonomia Sustatzeko Sailaren bulego birtualean eskatu eta gero. Ordainketa egin ondoren, ordainagiria bulego birtualaren bidez bidali beharko da.

III. TITULUA

DIRULAGUNTZAK EMATEKO PROZEDURA

13. oinarria. – Dirulaguntza-eskabideak aurkezteko lekua, era eta epea eta ondorengo izapideak eta SEPEn inskribatzea

1. Dirulaguntza-programa honetan parte hartu nahi duten pertsona fisikoek, euren izenean, eta haien ordezkariak konpromisoa hartuko dute Ekonomia Sustatzeko Sailaren bulego birtualaren bidez (<http://www.bizkaia.eus/sustapena-oficinavirtual>) dirulaguntza jasotzeko eskaera formalizatzeko, dokumentazioa bidaltzeko, justifikazioak egiteko, errekurtsioak jartzeko, alegazioak egiteko, dagoeneko irekita dauden espedienteei buruzko aldaketak aurkezteko eta edozein izapide egiteko. Izan ere, kontuan izanik erakundeon gaitasun ekonomiko eta teknikoak eta haien dedikazio profesionala, ulertu behar da bermaturik dutela behar diren bitarteko teknologikoak eskuratu eta erabiltzeko modua, 39/2015 Legearen 14.3. artikuluekin bat etorrira. Pertsona juridikoak, nortasun juridikodunak edo nortasun juridikorik gabekoak, eta horiek ordezkatzeko dituztenak, behartuta daude administrazio publikoekin elektronikoki harremanetan jartzera, lege beraren 14.2 artikuluen arabera, eta hori egingo dute, laguntza hauen eskaerei dagokienez, Sustapen Elektronikoko Sailaren bulego birtual horren bidez.
2. Interneten aurkeztu behar dira eskaerak, «Ekonomia Sustatzeko Sailaren bulego birtuala» atalean, Bizkaiko Foru Aldundiaren web-orri instituzionaleko egoitza elektronikoa.
3. Bulego birtualean sartzeko, bertan adierazten den indarreko araudiaren arabera onartutako identifikazio eta sinadura elektronikoko edozein bide erabili ahal izango da. Bitarteko horiei esker, eskaerak egin daitezke pertsona juridikoen ordezkari gisa. Identifikazio eta sinadura elektronikorako B@kQ txartela erabili nahi izanez gero, jakinarazten da Ekonomia Sustatzeko Sailaren egoitzan eskura daitekeela (Orueta apezpikua 6, Bilbo).
4. Eskabidea betetzean,aldi berean jasoko dira, laguntza-programa honetarako eskabidearen datuez gainera, erakundearen edo pertsonaren oinarritzko datuak eta Bulego Birtualean kudeaketa telematikoa egiteko baimendutako ordezkariak eta laguntzaileak. ESEPEn (Bizkaiko ehun ekonomiko eta sozialaren garapenarekin loturiko ezagutza gestionatzeko Erakundearen eta Pertsona Fisikoen Erregistroaren arauak eta



haren administrazio-prozedurak, martxoaren 7ko 25/2024 Foru Dekretuaren bidez arautua) alta emanda egonez gero, une horretan indarrean dauden erregistro-datuak eman go dira (edo aurrez eskatutakoak eta inskribatzeko daudenak), eguneratuak izan daitezzen. Sinadura elektronikoa eta eskaeraren bidalketa telematikoa ere eragingo dute ESEPEren erregistro-datuaren alta- edo aldaketa-eskaera bidaltzea. Beharrezkoa izango da ESEPEn inskribatuta egotea eta datuak eguneratuta egotea ebazteko eskumena duen organoari aurkeztutako eskabidearen ebazpen-proposamena egiten den unean; bestela, aurkeztutako eskaera ezetsi egingo da. ESEPEn inskribatuta egoteko baldintza espedientea izapidetzen den bitartean eta organo eskudunari aurkeztu beharreko behin betiko proposamena egiten den unean egiaztatuko da.

5. Eskabideekin batera, hurrengo oinarrian adierazitako dokumentazioa aurkeztu behar da, bulego birtualean dagoen agiriak eransteko sistema erabilita. Era berean, eskabide horietan eskatutako informazioa eta erantzukizunpeko adierazpena aurkeztu beharko dira.

6. Hona eskabideak aurkezteko epea:

2025eko apirilaren 28ko 08:30etik maiatzaren 26ko 13:30era.

14. oinarria. — *Eskabidea egiteko beharrezko dokumentazioa eta elkarreragingarritasuna*

1. Ekonomia Sustatzeko Sailaren bulego birtualaren bidez aurkeztutako eskabideak bulego birtualaren bidez bete eta aurkezteko dauden eredu espezifikoaren arabera izango dira, 39/2015 Legearen 66.6 artikuluan xedatutakoarekin bat etorrira.

2. Laguntza-eskaera bakarra aurkeztu ahal izango da eskatzaile bakoitzeko. Gehiago aurkeztuz gero.

Erakunde batek baimendutako gehienekoa baino eskabide gehiago aurkezten baditu, instrukzio-organok eskatzaileari eskatuko dio zein eskabideren bidez egin nahi duen adierazteko. Errekerimenduari jaramonik egin ezean, aurkeztutako lehenengo eskaera bakarrik izapidetuko da.

Nolanahi ere, instrukzioaren ardurapeko organoak zehaztu ahal izango du diruz lagun daitekeen eta dirulaguntzaren xede den jarduerara ondoen egokitzen den egitatea.

3. Eskariekin batera agiri administratibo eta tekniko hauek aurkeztu beharko dira. Ezinbestekoa da dirulaguntzen onuradun izaera eskuratzeko betekizunen betetzea ebaluatzeko eta/edo dirulaguntza jaso dezakeen egitatea ebaluatzeko:

- a) Proiektuari buruzko memoria.
- b) Hartzekodunaren fitxa, Bizkaiko Foru Aldundian banku-helbideratzeari buruzko datuak ez badaude edo bertan dauden datuak aldatu nahi badira.
- c) Dirulaguntzen onuradunek baldintzak betetzen dituztela justifikatzen duen erantzukizunpeko adierazpena.

Proiektuaren memoria, hartzekodunaren fitxa eta dirulaguntzen onuradunek baldintzak betetzen dituztela justifikatzen duen erantzukizunpeko adierazpena, Ekonomia Sustatzeko Sailaren webgunean dauden ereduaren arabera aurkeztu behar dira (www.bizkaia.eus/ Enpresen eta enpleguaren sustapena/ Ekintzailetza/ Berrikuntza eta sorkuntza/ Enpresa berritzaileak sortzea).

- d) Genero berdintasun eta ordainketa-epeak betetzeari buruzko betebeharrak betetzen direla egiaztatzen duten txostenak eta agiriak.
- e) Proiektuaren sustatzaile-taldearen lanbide-historia edo enpresaren ibilbidea, hala badagokio.
- f) Enpresa sortzaile berrien kasuan, EJZko altaren lehenengo data 2023ko urtarrilaren 1a edo 1az gerokoa dutenak, entitate eskatzailearen eraketari buruzko eskritura, behar bezala erregistratuta, eta, hala badagokio, kapital-gehikuntzari buruzko eskriturak.
- g) Irabazi-asmorik gabeko sektore-erakundearen kasuan, entitate eskatzailearen estatutuak, behar bezala erregistratuta.



- h) Enpresen kasuan, 2024. urteko fakturazio-zerrenda, bezeroak, egindako lanaren deskripzioa eta fakturatutako zenbatekoa jasotzen dituen. Fakturazio zerrenda Ekonomia Sustatzeko Sailaren webgunean dauden ereduaren arabera aurkeztu behar da (www.bizkaia.eus /Enpresak eta nazioartekotzea/ Ekintzailtza/ Berrikuntza eta sorkuntza/Bizkaia Sortzailea).

Irabazi-asmorik gabeko sektore-erakundeek kasuan, 2024ko ekitaldian egindako jarduerak, haien deskribapena eta kostua adierazita.

- i) Irabazi-asmorik gabeko sektore-elkarteen kasuan, elkartekide diren pertsona eta entitateen zerrenda, eta haietako bakoitzerako adierazi behar da EJZko zer epigrafetan dauden alta emanda eskabidea aurkezten den egunean.
- j) Enpresen kasuan enpleguaren betekizuna egiaztatzeko, enpresak ordaindutako azken autonomoen ziurtagiria edo azken nomina, langile autonomoen kasuan bakarrik. Inoren konturako langileen kasuan, betekizun hori automatikoki egiaztatuko du Ekonomia Sustatzeko Sailak.
- k) Proiekturako jarritako langileen barruko gastuak eskatu badira:
- 1) Gizarte Segurantzaren Araubide Orokorrean dauden pertsonen kasuan, azken bi langileen zerrenda izenduna (LZI).
 - 2) Langile autonomoentzat, eskuragarri dauden kotizazio-oinarrien azken bi txostenak (IBC).
- l) Errentamendu gastuen kasuan, errentamendu-kontratua, behar bezala beteta.
- m) Merkaturatze gastuei eta marketin-azterketari dagozkien aurrekontuak.
- n) Negozioa garatu behar duen pertsonaren kontratazioen kasuan:
- 1) Lan-kontratua.
 - 2) Langileen zerrenda izenduna (LZI) eskabidea aurkeztu aurreko bigarren hilabeteari dagokiona, gehienez edo alta Gizarte Segurantzaren araubide orokorrean, zerrendarik ezean.
 - 3) Negozioa garatzeko pertsonaren lan-bizitza.
 - 4) Curriculum vitae
 - 5) Enpresa berria izango dituen eginkizunen deskribapen laburra.

4. DLoren 13.3 bis artikuluan, 3. oinarrietan, honako hau eskatu beharko da, edo zerbitzuak proposatzen duen idazketa alternatiboa:

3/2004 Legean aurreikusitako ordainketa-epaiek bete izanaren egiaztapenak, 38/2003 Legearen 13.3.bis artikuluan aurreikusitako baldintzetan, edo egiaztapenak eskatu izanaren egiaztapenak. Egiaztapen-dokumentazio onartua 38/2003 Legearen 13.3. bis artikuluan adierazitakoa da, gertatzen den kasu zehatzaren arabera; pertsona fisiko eskatzaileak sinatutako ziurtagiria, pertsona juridiko eskatzailearen administrazio-organoak edo balioak sinatutako ziurtagiria, inskribatutako auditorearen ziurtagiria edo adostutako prozeduren txostena. Egiaztapenak eskatu direla egiaztatzen duen agiria aurkezten bada, eskatzaileak ziurtagiri edo txosten hori aurkeztu beharko du eskuratu eta berehala, eta emateko ebazpenaren foru-agindua eman aurretik.

5. Ekonomia Sustatzeko Sailak, Bizkaiko Elkarrengarritasun Nodoaren bidez eta/edo dagozkion elkarrengarritasun-zerbitzuen bidez, aurkeztu diren eskabideen administrazio-izapideak egiteko eskatutako pertsona eta erakunde interesdunen datuak egiaztatu eta kontsultatuko ditu, 39/2015 Legearen 13., 28. eta 53. artikuluetan aitortutako eskubideei kalterik egin gabe.

Laguntza-eskaerak berekin ekarriko du beste bitarteko batzuen bidez beste administrazio publiko batzuetatik informazio egokia lortzeko baimena, baldin eta arrazoi teknikoengatik ezin bada lortu elkarrengarritasun-zerbitzuen bidez.

Arrazoi teknikoak direla eta, elkarrengarritasuna posible ez bada edo ez bada posible informazioa zuzenean beste administrazio batzuetatik eskuratzea, Ekonomia Sustatzeko Saileko Enpresak Sustatzeko Zerbitzuak izapideak egiteko beharrezkotzat jotzen dituen datuak edo dokumentuak eskatu ahal izango ditu.



6. Datuak zuzenean bildu edo kontsultatzeko aukera izango da aurkeztutako eskabidearekin zerikusia duten beste izapide eta prozedura intzidental batzuetara iristeko, eskaera egitean baimendutakoaren arabera.

15. oinarria. — Eskabidea zuzentzea edo hobetzea

1. Eskabideak elektronikoki, estandarrak eta formatuak betetzen ez badituzte, termino guztiak betetzen ez badira, edo eskabidearekin batera foru dekretu honetan eskatutako agirietakoren bat aurkeztu ez bada, errekerimendua egingo zaio interesdunari, hamar (10) egun balioduneko epearen barruan akatsa zuzendu edo beharrezko agiriak aurkez ditzan. Era berean, ohartaraziko zaio ezen, hala egiten ez badu, eskaeran atzera egin duela ulertuko dela eta, behin ebazpena emanda, eskaera artxibatu egingo dela.

2. Dena den, Ekonomia Sustatzeko Sailak eta Beaz, SAU entitate laguntzaileak enpresa eskatzaileari beharrezkotzat jotzen dituen agiri edota informazio osagarriak eskatu ahal izango dizkio, aurkeztutako eskabidea ondo ulertu eta ebaluatzeko eta beraren jarraipena egin ahal izateko, bai eta sailaren eta/edo erakunde laguntzailearen langileek bisitak egitea ere.

3. Ekonomia Sustatzeko Sailaren jardueraren eragina ebaluatzeko, Sail horrek eta Beaz, SAU entitate laguntzaileak enpresari proiektuak iraun bitartean zein proiektu amaitu eta osteko bost (5) urteetan enpresaren bilakaera adierazten duten adierazle ekonomikoak eta enpleguari buruzko adierazleak nahiz proiektuak enpresan izandako eraginari buruzkoak aurkezteko eskatu ahal izango dio. Adierazle horiek aurkezteko epea, eskatzen zaizkion unean zehaztuko da.

16. oinarria. — Dirulaguntza emateko prozedura

1. Norgehiagoka da dirulaguntzak emateko erabiliko den prozedura; horretarako, deialdi eta hautaketa-prozedura bakarrak egingo dira.

2. Foru dekretu honen ondorioetarako, honako hau jotzen da norgehiagoka prozeduratzat: dirulaguntzak emateko, aurkeztu diren eskabideak konparatzea, eta, aurretik ezarritako ebaluazio-irizpideen arabera, lehentasun-hurrenkera ezartzea, erabilgarri dagoen kredituaren arabera, puntuazio handiena lortu dutenei dirulaguntzak adjudikatzeko.

17. oinarria. — Eskabideak baloratzeko irizpideak

1. Enpresek aurkeztutako eskabideak irizpide hauen arabera baloratuko dira eta ponderazio hau emango zaie:

- a) Proiektuaren garapen maila (0-10 puntu bitartean):
Proiektuaren garapen maila eta jarritako baliabide ekonomiko, tekniko eta giza-baliabideen egokitzapena baloratuko dira.
- b) Proiektuaren berrikuntza maila eta berrikuntza horren jatorria (0-20 puntu bitartean):
Faktore hauek baloratuko dira: berrikuntzaren maila eta berrikuntza horren jatorria, merkatu-aukera, lehiarako abantaila eta babes maila, eta proiektuaren enpresa-estrategiak talde sustatzailearen ibilbide profesionalarekin edo enpresaren estrategiarekin duen koherentzia.
- c) Proiektuaren taldea (0-20 puntu bitartean):
Taldearen lidergoa eta kohesioa, arriskuak eta konpromisoak hartzea, arlo teknikoko zein kudeaketa arloko gaitasuna, eta proiektuari lotuta aurretik izandako esperientzia baloratuko dira.
- d) Inpaktua merkatuan eta ingurune sortzailean (0-25 puntu bitartean):
Azken erabiltzailearen identifikazioa eta hautemandako balioa baloratuko da, bai eta ingurune sortzailean duen inpaktua, produktu-lerroak sortzea eta finkatzea, proiektuaren ikuspegi internazionala eta merkatura sartzeko kanala ere.
- e) Proiektuak duen eragina (0-25 puntu bitartean):



Aurrez ikusten den fakturazio-bolumena, inbertsio bolumena eta enplegua, balizko merkatuaren banaketa geografikoa, eta beste eragileekin duen kolaborazio maila baloratuko dira.

- f) Proiektuaren taldea emakumez osatuta egotea (5 puntu):
Baloratuko da proiektuaren taldearen % 50, gutxienez, emakumeak izatea.
- g) Emakumezko gerentea (2 puntu):
Erakunde eskatzailearen kudeatzailea emakumea izatea baloratuko da.
- h) Proiektuaren taldea gaztez osatuta egotea (2 puntu):
Baloratuko da proiektuaren taldea 30 urtetik beherako gaztez osatuta egotea.
- i) Gizarte-eragina (3 puntu):
Proiektuak honako arlo hauetan gizarte-premia bat konpontzen laguntzea baloratuko da: ingurumena, zahartze aktiboa, osasuna eta ongizatea eta gizarteratzea.

2. Irabazi-asmorik gabeko elkarteen balorazioa honako irizpide hauen arabera egingo da:

- a) Proiektuaren garapen maila (0-10 puntu bitartean):
Proiektuaren garapen maila eta jarritako baliabide ekonomiko, tekniko eta giza-baliabideen egokitzapena baloratuko dira.
- b) Proiektuaren berrikuntza maila eta berrikuntza horren jatorria (0-20 puntu bitartean):
Parte hartzen duten enpresa elkartuek jardueran duten berrikuntza maila, merkatu-aukera, sektorerako lehia-abantaila, eta plan estrategiko bat egotea baloratuko dira.
- c) Proiektuaren taldea (0-20 puntu bitartean):
Taldearen lidergoa eta kohesioa baloratuko da, bai eta parte hartzen duten enpresa elkartuen inplikazio gradua, lankidetzako proiektuen kudeaketan duten esperientzia eta proiektuaren helburuak lortu ahal izateko beste enpresa batzuk erakartzeko gaitasuna ere.
- d) Inpaktua merkatuan eta ingurune sortzailean (0-25 puntu bitartean):
Proiektuak enpresa parte-hartzaileen lehiakortasuna hobetzen laguntzea baloratuko da, bai eta ingurune sortzailean duen inpaktua, erakunde parte-hartzaileen jarduera, produktu, zerbitzu eta eremu geografikoak finkatzean duen eragina, hedatzeko kanalak zein haiei ekiteko estrategiak identifikatzea, eta enpresa elkartu talde bat merkatura batera ateratzea ere.
- e) Proiektuak duen eragina (0-25 puntu bitartean):
Proiektua dela-eta sektoreko enpresen fakturazio, enplegu eta inbertsioan aurrez ikusten den hazkundera baloratuko da, bai eta proiektuak duen hedadura geografikoa eta sektoreko beste elkarte edo kluster batzuekin beste eremu geografiko batzuetan duen lankidetzaren ere.
- f) Proiektuaren taldea emakumez osatuta egotea (5 puntu):
Baloratuko da proiektuaren taldearen % 50, gutxienez, emakumeak izatea.
- g) Emakumezko gerentea (2 puntu):
Erakunde eskatzailearen kudeatzailea emakumea izatea baloratuko da.
- h) Proiektuaren taldea gaztez osatuta egotea (2 puntu):
Baloratuko da proiektuaren taldea 30 urtetik beherako gaztez osatuta egotea.
- i) Gizarte-eragina (3 puntu):
Proiektuak honako arlo hauetan gizarte-premia bat konpontzen laguntzea baloratuko da: ingurumena, zahartze aktiboa, osasuna eta ongizatea eta gizarteratzea.



3. Diruz lagundutako eskabideen gutxieneko kalitate bat bermatzeko, ondoko egoe-retako bat, gutxienez, betetzen duten eskabideak baztertu egingo dira:

- a) 1.a) edo 2.a) «Proiektuaren garapen maila» irizpidean 5 puntu baino gutxiagoko balorazioa.
- b) 1.b) edo 2.b) «Proiektuaren berrikuntza maila eta berrikuntza horren jatorria» irizpidean 10 puntu baino gutxiagoko balorazioa.
- c) Proiektuaren balorazio osoan 50 puntu baino gutxiago lortzea.

Irizpideren batean ezarrita baldin badago gutxieneko balorazio bat lortu behar dela, eta lortzen ez bada, horrek gainerako irizpideetan baloraziorik ez egitea ekarriko du.

4. Kreditu erabilgarriaren barruan aurrekontua mugatuz gero, eta puntuazioak bat egiten badu, programan eskabideak aurkezteko hurrenkera hartuko da kontuan.

Berdinketa gertatuz gero, b) irizpidean lortutako puntuazioa hartuko da kontuan. Berdinketak jarraitzen badu, a) irizpideko puntuazioa hartuko da kontuan. Berdinketak jarraitzen badu, eskabideen sarrera-ordena hartuko da kontuan.

18. oinarria.— Ebazpena

1. Espedientearen instrukzioa amaitutakoan, ebaluazio-batzordeak aztertu eta irizpena eman ondoren, organo instrukzio-egileak ebazpen-proposamena egingo du, eta Ekintzailtza, Talentua eta Enpresen Lehiakortasuna bultzatzeko Zuzendaritza Nagusiko titularrari helaraziko dio. Azken horrek, era berean, Ekonomia Sustatzeko foru diputatuari igorriko dio ebazpen-proposamena, eta hark dagokion foru aginduaren bidez ebatziko du. Ebazpenean erabakiko da bai dirulaguntzak ematea, bai ezestea edo ez ematea.

2. Ebazpenak zerrenda ordenatu bat jasoko du, emandako laguntzena, ezespene-na eta eman ez direnena, eta, hala badagokio, horietako bakoitzari emandako puntuazioa adieraziko du, aurreikusitako balorazio-irizpideen arabera eta ezesteko eta ez emateko arrazioen arabera.

3. Dirulaguntza emateko ebazpenean, baldintza bereziak ezarri ahal izango dira, baldin eta uste bada ezen, proiektuen izaera berezia edo gertatzen diren beste inguruabar batzuk direla bide, egoki dela halako baldintzak ezartzea, hartara kasu bakoitzari egokitzeko eta aplikatzeko foru dekretu honetan edo aplikatzekoak diren gainerako arauetan xedaturikoa. Halaber, onarturiko dirulaguntza emateko ebazpenean adieraziko da de minimis erregelamenduari atxikitako laguntza dela, eta esplizituki adieraziko da dirulaguntza gordin baliokidearen zenbatekoa.

4. Eskaturiko dirulaguntza eman, ezetsi edo eman ez izana adierazten duen ebazpena interesdunei jakinaraziko zaie.

5. Ebazpena jakinarazi ondoren, hamar (10) eguneko epea izango dute onuradunek ebazpena onartzeko, eta epe hori berenberegiko adierazpenik egin gabe igarotzen bada, ebazpena isilbidez onartu dela ulertuko da.

6. Eskabideei buruzko ebazpena emateko eta jakinarazteko epea sei (6) hilabete-koa izango da gehienez, eskabideak aurkezteko epea amaitzen denetik zenbatuta. Epe horretan ebazpenik jakinarazten ez bada, eskaera ezetsizat joko da, administrazio-isiltasuna dela eta.

19. oinarria.— Errekurtsoak

1. Ebazpenak administrazio-bidea agortzen du, eta, 39/2015 Legearen 114., 123. eta 124. artikuluetan xedatutakoaren arabera, interesdunak aukerako berraztertze-errekurtsoa aurkeztu ahal izango dio Ekonomia Sustatzeko foru diputatuari, hilabete-ko (1) epean, ebazpena jakinarazi eta hurrengo egunetik aurrera.

2. Era berean, administrazioarekiko auzi-errekurtsoa jarri ahal da administrazio-arekiko auzien Bilboko epaitegiaren aurrean –txandaren arabera dagokiona–, bi (2) hilabete-ko epean, jakinarazpena jaso eta hurrengo egunetik zenbatuta, kontuan harturik zer ezartzen duen Administrazioarekiko Auzien Jurisdikzioa arautzen duen uztailaren 13ko 29/1998 Legeak.

3. Ezin izango dira bi errekurtsook aldi berean jarri.

**20. oinarria. — Dirulaguntzari uko egitea**

1. 34/2010 Foru Dekretuaren 48.3. artikuluan arautzen denarekin bat, onuradun gertatu den pertsona batek dirulaguntzari uko egiten badio, dirulaguntza ematen duen organoak erabaki dezake zerrendan hurrengo datozen eskatzaileei ematea (hurrenkaren puntuazioaren arabera), baldin eta nahikoa kreditu geratu bada aske kasuan kasuko eskabideei erantzuteko.

2. Dirulaguntza ematen duen organoak aukera horren berri emango die pertsona edo erakunde interesdunei, dirulaguntzaren proposamena onar dezaten, hamar (10) egun balioduneko epean; epe hori ezin da luzatu. Behin eskatzaileek proposamena onartuta, administrazio-organok dirulaguntza emateko egintza emango du, eta haren jakinarazpena egingo du.

3. Uko egitea aurkezteko gehienezko epea hamar (10) egun balioduneko izango da, interesdunari dirulaguntzaren proposamena jakinarazten zaionetik hasita. Epe hori igarota, hortik aurrera uko egiterik gertatzen bada, dirulaguntza emateko baldintzak ez direla bete joko da.

21. oinarria. — Dirulaguntza emateko ebazpena aldatzea

1. Pertsona onuradunek, diruz lagundutako jarduera egiteko epea amaitu baino lehen, baimena eska diezaioke Ekonomia Sustatzeko foru diputatuari, diruz lagundutako jardueraren ebazpenean aldaketak egin ahal izateko, hala nola, finkatutako epeak luzatzea, emandako zenbatekoa murriztea edo jarduera osatzen ekintzak aldatzea. Aldaketa horiek baimenduko dira ezohiko inguruabarrak daudenean edo jarduera ondo gauzatzeko beharrezkoak direnean, betiere dirulaguntzaren xedea edo helburua aldatzen ez bada eta hirugarren pertsonen eskubideei kalte egiten ez bazaie. Aldaketa-eskaerak diruz lagundutako jarduera egiteko epea amaitu baino hilabete bat (1) lehenago aurkeztu beharko dira gutxienez. Epe horretan ebazpenik jakinarazten ez bada, eskaera ezetsizat joko da, administrazio-isiltasuna dela eta.

2. Ekonomia Sustatzeko foru diputatuak ofizioz alda dezake dirulaguntza emateko ebazpena, onuradunari entzunaldia eman ondoren eta funtsak aplikatu aurretik; horretarako, bi baldintza hauek bete behar dira: batetik, laguntza emateko kontuan hartu ziren baldintzen aldaketek ezin izango dute eragotzi edo oztopatu laguntzaren bidez lortu nahiz interes publikoa, eta, bestetik, ezingo zaio kalte ekonomikorik eragin onuradunari.

3. Dirulaguntzaren onuradunak, berak aurkeztutako justifikazioan, adierazten badu aldaketa batzuk egon direla dirulaguntza emateko kontuan hartu ziren baldintzetan, dirulaguntza emateko ebazpena aldatzea ekar lezaketanak, eta aldaketa horiek guztiak onartzeko ez bada bete aurretik bete beharreko baimen administratiboko izapidea, orduan, dirulaguntza eman duen organoak onartu egin dezake aurkeztutako justifikazio hori, betiere onartze horrek ez badie kalterik eragiten hirugarrenen eskubideei; hala ere, horrek ez du salbuesten pertsona onuraduna 5/2005 Foru Arauaren arabera izan ditzakeen zehapenetatik.

4. Pertsona edo entitate onuradunak Enpresak Sustatzeko Zerbitzuari jakinarazi behar dio dirulaguntza emateko orduan kontuan hartu den edozein alderdi objektibo edo subjektibok aldaketarik izan badu.

22. oinarria. — Emandako dirulaguntzen publizitatea

1. Dirulaguntzen azaroaren 17ko 38/2003 Lege Orokorren 20. artikuluan xedatutakoa beteko da. Horretarako, Dirulaguntzen Datu base Nazionalean emandako dirulaguntzak argitaratuko dira, artikuluko horretan xedatutakoaren arabera. Halaber, dirulaguntza eman den urte naturala amaitu ondorengo lehen hiruhilekoa amaitu baino lehen, Ekonomia Sustatzeko Sailak Bizkaiko Aldizkari Ofizialean argitaratuko ditu deialdi publiko honen ondorioetarako emandako dirulaguntzak, honako hauek adierazita: deialdia, aurrekontuko zer programari eta kredituri egozten zaizkion, onuradunaren izena edo sozietate-izena eta haren identifikazio fiskaleko zenbakia, emandako zenbatekoa, dirulaguntzaren helburua edo helburuak, eta diruz lagundutako programak edo proiektuak. Urte askotako dirulaguntzen kasuan, emandako zenbateko osoa eta urtekoen banaketa.



Hori guztia, hargatik eragotzi gabe organo eskudunek Bizkaiko Foru Aldundiaren gardentasun-atarian (Bizkaia Gardena) egiten dituzten argitalpenak, Bizkaiko Gardentasunari buruzko otsailaren 17ko 1/2016 Foru Araua aplikatuz (aurrerantzean 1/2016 Foru Araua).

23. oinarria. — Onuradunak eman zaion dirulaguntzaren publizitatea egitea

Onuradunek diruz lagundutako jarduketaren finantzaketa publikoaren publizitatea egin beharko dute. Horretarako, lagundutako jarduketaren zabalkunde publikorako egiten dituzten material, argitalpen eta ekitaldi guztietan, jasotako laguntza aipatu beharko dute eta Bizkaiko Foru Aldundiaren logotipoa jarri beharko dute, erraz ikusteko leku batean.

24. oinarria. — Jakinarazpen elektronikoa

1. Erakunde interesdunei egindako jakinarazpenak bitarteko elektronikoen bidez egingo dira, 39/2015 Legean aurreikusitakoaren arabera.

. Bitarteko elektronikoen bidezko jakinarazpenak Bizkaiko Foru Aldundiaren Egoitza Elektronikoa agertuz egingo dira (<https://www.ebizkaia.eus>) araudi bi hauetan ezarritakoaren arabera: Bizkaiko Foru Aldundiaren 62/2015 Foru Dekretua, maiatzaren 5ekoa, Administrazio Elektronikoa buruzkoa, eta Herri Administrazioarako eta Erakunde Harremanetarako foru diputatuaren 4841/2016 Foru Agindua, ekainaren 6koa, jakinarazpenak eta komunikazioak Bizkaiko Foru Aldundiaren egoitza elektronikoa agertzeko sistemaren bidez egiteari buruzkoa.

3. Egindako jakinarazpen elektronikoa eskuragarri jartzeari buruzko abisuak eskabidean aurkeztutako helbide elektronikora bidaliko dira. Horretarako, eskaera bete ondoren, ofizioz eskumena duen organo edo unitateak alta emango dio helbide elektronikoko horri Bizkaiko Foru Aldundiaren prozeduren katalogoko dirulaguntzen prozedura honetarako aipatutako egoitza elektronikoa abisu-sisteman. Abisu horiek ez dute, inola ere, jakinarazpen-ondorioz izango, eta horiek ez egoteak ez du eragotziko jakinarazpena guztiz baliozkotzat jotzea.

4. Jakinarazpenak egindakotzat joko dira edukira sartzerakoan. Jakinarazpena eskura jartzen denetik hamar egun natural igaro eta edukia eskuratzen ez bada, baztertu egin dela ulertuko da, eta jakinarazpenaren izapidea egintzat joko da.

IV. TITULUA**GAUZATZEA, JUSTIFIKATZEA ETA KONTROLA****25. oinarria. — Gauzatze epea**

1. Diruz lagundutako jarduerak edo proiektuak 2024ko urtarrilaren 1etik 2026ko abenduaren 31ra bitartean hasi eta amaitu beharko dira.

2. Ekonomia Sustatzeko foru diputatuak gauzatze epea luzatu ahal izango du, hurrengo apartatuetan adierazitakoaren arabera.

3. Onuradunak gauzatze epea luzatzeko eskatu ahal izango du, honako baldintza hauek betez gero:

- Alegatutako arrazoia gertatu eta izandako edo izan daitekeen atzerapena egiaztatuz ahal izateko eskatu beharko da berehala, eta, nolana ere, gauzatze epea amaitu baino gutxienez hilabete bat (1) lehenago.
- Gauzatze epea luzatzea eragin duen gerora sortutako arrazoia adierazi beharko da, ezin zaiona egotzi onuradunaren doloari, erruari edo zabarkeriari.
- Ustekabeko kasua eta ezinbesteko kasua, halakorik gertatuz gero, kontuan hartuko dira eskatzen den luzapenari buruz ebazteko.
- Eskabidearekin batera honako agiri hauek aurkeztu beharko dira: alegatutako arrazoia egiaztatzen duen dokumentazioa, izandako edo izan beharreko atzerapena egiaztatzen eta justifikatzen duen dokumentazioa, eta, ondorioz, eskatutako luzapen-epea.



- e) Dirulaguntza kudeatzen duen zerbitzuak jasotako eskaria ulertzeko egokitzat jotzen duen bestelako dokumentazioa eskatu ahalko du.
 - f) Ez da baimenduko alegatutako eta egiaztatutako atzerapena baino gehiago, betiere luzapen horrek emandako dirulaguntzaren helburua betetzea ahalbidetzen badu eta hirugarrenen eskubideei kalterik egiten ez badie.
4. Gauzatzeko epea gehienez ere lau (4) hilabetez luzatu ahal izango da.
5. Eskatutako luzapena ebazteko eta jakinarazteko gehieneko epea hilabete batekoa (1) da, eskaera bulego birtualean aurkezten denetik. Epe horretan berariazko ebazpenik jakinarazi ez bada, eskaera ezetsi egin dela ulertuko da.

26. oinarria. — Justifikazio-epea

1. Laguntzen onuradunek gehienez ere bitarteko bi justifikazio aurkeztu ahal izango dituzte laguntza onartu ondoren, edozein unetan. Diruz lagundutako gastuen % 20 justifikatu beharko dute, gutxienez, tarteko lehen justifikazioa aurkezteko, eta diruz lagundutako gastuen %40, gutxienez, tarteko bigarren justifikazioa aurkezteko.

Bitarteko justifikazioak dekretu honen 28. oinarrian ezarritakoaren arabera aurkeztu beharko dira.

2. Onuradunek organo instrukzio-egileari aurkeztu beharko diote, 2027eko urtarrilaren 31 baino lehen, ezarritako baldintzak bete direla eta dirulaguntza emateko egintzan aurreikusitako helburuak lortu direla egiaztatzen duen azken agiria, oinarri hauetan ezarritako moduan.

3. Egikaritze epea luzatzea onartu bada, organo izapidegileari azken justifikazioa aurkezteko epea hilabete batekoa (1) izango da. Epe hori zenbatzen hasiko da epea luzatzeko emakida ebazpenean hura egiteko ezarritako epea bukatzen denean.

4. Ekonomia Sustatzeko foru diputatuak azken justifikazioa aurkezteko ezarritako epea luzatu ahal izango du, gehienez ere haren erdia, betiere alegatutako inguruabarrek hala gomendatzen badute eta horrekin hirugarrenen eskubideei kalterik egiten ez bazaie. Eskaera eta luzapenari buruzko erabakia justifikazio-epea amaitu baino lehen egin beharko dira. Alegatutako arrazoia gertatu eta berehala eskatu beharko da, eta, nolana ere, justifikazio-epea amaitu baino gutxienez bi hilabete bat (1) lehenago. Berariazko ebazpenik jakinarazten ez bada, eskaera ezetsi egin dela ulertuko da.

5. Justifikazioa egiteko epea igaro eta dagokion instrukzio-organoaren aurrean ez bada aurkeztu justifikaziorik, organo horrek errekerimendua egingo dio erakunde onuradunari, hamabost (15) egun baliodunen epean aurkez dezan, jakinarazpena egin eta hurrengo egunetik aurrera. Epe hori ezingo da luzatu. Justifikazioa ez bada ezarritako epean aurkezten, dirulaguntza itzultzea eskatuko zaio onuradunari eta, gainera, Dirulaguntzen Foru Arauaren 37. artikuluan eta hurrengoetan ezartzen diren gainerako erantzukizunak eskatuko zaizkio.

27. oinarria. — Azpikontratazio-baldintzak eta loturadun pertsonetikiko baldintzak

1. Honako hau joko da azpikontrataziotzat: onuradunak hirugarren pertsona batekin hitzartzen duenean dirulaguntzaren xedeko jarduera oso-osorik edo zati bat egitea. Azpikontratazioaren kontzeptu horretatik kanpo gelditzen da onuradunak diruz lagundutako jarduera bere kabuz gauzatzeko egin behar dituen gastuen kontratazioa. Aurrekoaren ondorioz, honako hauek ez dira azpikontrataziotzat joko: makineria, ekipamendua eta material suntsigarria erostea, dirulaguntzaren xedeko jardueraren barruko zeregin bereziak egiteko kanpoko zerbitzuen kontratazioa eta dirulaguntzaren xedeko jardueraren bestelako gastu osagarriak.

2. Onuradunak diruz lagundutako jarduera azpikontratatu ahal izango du, diruz lagundutako jardueraren zenbatekoaren ehuneko 80ra arte. Azpikontratazio-ehuneko hori egindako azpikontratu guztien baturaren arabera kalkulatzen da.

3. Inola ere ezingo dira azpikontratatu diruz lagundutako jardueraren kostua handitu arren jarduera horri balio erantsirik ez dakarkioten jarduerak.



4. Onuradunak ezin izango du inola ere hitzartu diruz lagundutako jarduerak osorik edo partez egitea 5/2005 Foru Arauaren 27.7 artikuluan zehaztutako pertsona edo erakundeekin, 27.7.d) artikuluan ezarritako baldintzak betetzen direnean izan ezik.

5. Dirulaguntzaren xedea gauzatzea agintzen zaien erakundeek genero-berdintasunaren arloan indarrean dagoen araudian aurreikusitako printzipio orokorrak eta betebeharrak errespetatu beharko dituzte.

6. Dena dela, azpikontratazioaren zenbatekoa handiagoa bada 9/2017 Legean kontratu txikietarako ezarritako zenbatekoak baino, onuradunak, Sektore Publikoko Kontratuen Legea bete behar badu, justifikatu egin beharko du araudi horretan xedatutaka betetzen duela. Bestela, gutxienez, hiru hornitzailearen eskaintzak eskatu beharko ditu zerbitzua emateko edo ondasuna entregatzeko konpromisoa hartu aurretik, salbu eta, gastuen ezaugarri bereziengatik, merkatuan ez bada nahikoa erakunderik halakorik hornitu edo eskaintzen duenik, edo salbu eta gastua dirulaguntza eskatu aurretik egin bada.

7. Aurkeztutako eskaintzak justifikazioan jaso beharko dira edo, hala badagokio, dirulaguntza eskaeran, eta haien artean aukeratzeko, eraginkortasun eta ekonomia irizpideak hartuko dira kontuan, eta, proposamen ekonomiko onuragarriena aukeratzeko ez denean, aukeraketa memoria batean justifikatu beharko da espresuki.

8. Beste batzuekin hitzarturiko jarduera hori dirulaguntzaren zenbatekoaren % 20tik gorakoa bada, eta zenbateko hori 60.000,00 euro baino handiagoa bada, azpikontratazioak honako baldintza hauek bete beharko ditu:

- a) Kontratua idatziz egin beharko da.
- b) Kontratua egin aurretik dirulaguntza eman duen erakundeak baimena eman beharko du, oinarri arautzaile hauetan ezarri den bezala.

9. Lotutako pertsonak azpikontratatu nahi direnean, foru-administrazio honen baimen espresua lortu beharko da, eta Ekonomia Sustatzeko foru-diputatuak ebatziko du, 15 egun balioduneko epean, bulego birtualean lotutako pertsonak edo erakundeak azpikontratatzeko aurretiazko baimenaren eskaera aurkezten denetik zenbatzen hasita. Epe hori amaitzean berariazko ebazpenik jakinarazten ez bada, isiltasunaren bidez ezetsitatzeko joko da. Eskaeran adierazi beharko da lotutako zer pertsona azpikontratatu nahi den eta zer lotura-kasu dauden, Bizkaiko Foru Aldundiaren 34/2010 Foru Dekretuko 53.2 artikuluan xedatutakoaren arabera.

Lotutako pertsona edo entitateak azpikontratatzeko aurretiazko baimenaren eskaerarekin batera, azpikontratutako pertsona/entitate izaera lortzeko baldintzak betetzen direla adierazten duen erantzukizunpeko adierazpena aurkeztu beharko da.

Lotutako pertsonak azpikontratatzeko baimena emanaz gero, diruz lagun daitekeen gastuak ez du gaitutako lotutako pertsonaren kostua, ezta oinarri hauetan ezarritako beste edozein mugarik ere. Kostua justifikazioan egiaztatuko da, onuradunaren gastuak egiaztatzeke ezarritako modu berean. Lotutako enpresak izango duen kostuak baimena emateko azpikontratatu beharreko prestazioen merkatuko balioa gaitutako ez duela egiaztatzeke onuradunak gutxienez ere hiru hornitzaileari eskatu beharko die eskaintza, aldeztu aurretik, non eta azpikontratutako jardueren ezaugarri bereziak direla-eta ez dagoen merkatuan behar beste entitate halako jarduerak eskaintzen dituenik, edo non eta gastua ez den egin dirulaguntza eskatu aurretik.

10. Salbuespenez, laguntza justifikatzeko fasean, lotutako pertsonekin kontratazea onartu ahal izango da, baldin eta justifikatzen bada hura dela kontratatutako jardueraren gauzatzeke gaitasuna duen hornitzaile bakarra eta egokiena. Horiei lotuta dagoela ulertuko da Bizkaiko Foru Aldundiaren 34/2010 Foru Dekretuaren 53.2 artikuluan ezarritako kasuren bat gertatzen denean.

Nolanahi ere, erakunde lotuen kontratazioa merkatuko baldintza normalen arabera egingo da.

**28. oinarria. – Dirulaguntzak justifikatzea**

1. Justifikazio-kontu baten bitartez frogatuko du onuradunak betetzen dituela ezarritako baldintzak eta lortu direla dirulaguntza emateko egintzan aurreikusitako helburuak.

2. Dirulaguntzaren justifikazioa Ekonomia Sustatzeko Sailaren bulego birtualaren bidez izapidetu behar da.

3. Justifikazio-kontuak eta, hala badagokio, tarteko justifikazioak honako dokumentazio hau jaso behar du:

- a) Ekonomia Sustatzeko Sailaren bulego birtualak sortutako justifikazio telematikoa. Justifikazio horrek dirulaguntza jaso duen jardueraren gastuen zerrenda izan behar du eta hartzekoduna, agiria, zenbatekoa, jaulkipen-data eta, hala de-nean, ordainketaren data identifikatu behar dira. Halaber, hedapen, gardentasun, hizkuntza koofizialen erabilera, genero berdintasun eta bestelako gizarte politika betebeharrak betetzen direnaren deklarazioa du.
- b) Justifikazio-memoria, tartekoa edo amaierakoa, Ekonomia Sustatzeko Sailaren webgunean eskuragarri dagoen ereduaren arabera (www.bizkaia.eus/Enpresak eta [Nazioartekotzea](http://www.bizkaia.eus/Nazioartekotzea)/[Ekintzaitelza](http://www.bizkaia.eus/Ekintzaitelza)/[Berrikuntza](http://www.bizkaia.eus/Berrikuntza) eta [sormena](http://www.bizkaia.eus/Sormena)/[Enpresa](http://www.bizkaia.eus/Enpresa) berritzaileak sortzea). Bertan, egindako jardueren eta lortutako emaitzen berri emango da, diruz lagundutako proiektuari edo jarduerari egotzitako diru-sarreraren zerrenda eta, hala badagokio, hasierako aurrekontuarekiko gastuetan izandako desberatzeak adieraziko dira.
- c) Fakturak edo merkataritzako trafiko juridikoan froga-balio baliokidea duten dokumentuak edo eraginkortasun administratiboa dutenak, eta fakturak ordaindu izanaren banku-egiaztagiriak, agiri bakar batean diruz lagun daitezkeen gastu bakoitzerako.
Egindako gastuen fakturek legezko baldintza guztiak bete beharko dituzte. Beste herrialde batzuetako fakturak itzulpenarekin batera aurkeztu behar dira, ingelesez idatzitakoak izan ezik
50 euro baino gutxiagoko fakturak, dokumentu bakar batean aurkeztu beharko dira, hornitzaileka sailkatuta.
- d) Hiru eskaintzak edo «azpikontratatzeko baldintzak baldintzak eta loturadun pertsonetikiko baldintzak» 27. oinarrrian aipatutako ordezkoko dokumentazioa, zehazki, 5/2005 Foru Arauaren 29.3 artikulua aplikatuz, onuradunak eskatu behar izan duena edo, sektore publikoko kontratuen legearen mende egonez gero, araudi hori betetzen dela egiaztatzen duen dokumentazioa.
- e) Lagundutako edozein jarduera egiteko kontratuak, behar bezala formalizatuta, hala dagokionean.
- f) Eginiko aholkularitza-lanei eta haien ondorioei buruzko txostena, hala dagokionean.
- g) Egindako bideragarritasunari eta merkatuari buruzko azterlanak, egindako txostenak eta marketin-azterketari, hala badagokio.
- h) Proiekturako jarritako langileen barruko gastuak eskatu badira:
 - 1) Gizarte Segurantzaren Araubide Orokorrean dauden pertsonen kasuan, justifikazioaren aldiko «langileen zerrenda izenduna» (LZI) agiri guztiak.
 - 2) Langile autonomoentzat, justifikazio-aldiari dagozkion kotizazio-oinarrien txostenak (IBC).
- i) Negozioa garatzeko pertsonaren «langileen zerrenda nominala – LZI», eskabi-dea egitean aurkeztu ez direnak.
- j) Dirulaguntzen onuradunek betekizunak eta betebeharrak betetzea eta mantentzea justifikatzeko memoria (berankortasuna, genero-berdintasuna, dirulaguntzaren hedatzea, hizkuntza koofizialen eta irudi/hizkuntza inklusiboaren erabilera, gardentasuna (hedatze aktiboa), ondasunak eta jarduera mantentzea), Ekono-



mia Sustatzeko Sailaren webgunean eskuragarri dagoen ereduaren arabera (www.bizkaia.eus/Enpresak eta enplegua bultzatzea/Ekintzailatza/Berrikuntza eta sormena/Bizkaia Sortzailea).

- k) Hedatze, gardentasun, hizkuntza koofizialen erabilera, genero berdintasun eta ordainketa-epeak betetzeari buruzko betebeharrak betetzen direla egiaztatzen duten txostenak eta agiriak.
- l) Aurkezpena, beren beregi emakida ebazpenean eskatzen dena.

4. Proiektua justifikatzeko unean ikusten bada oinarri hauetan jasotako kostu-kategoriako batean onargarria den guztizko zenbatekoa txikiagoa dela dirulaguntza kalkulatzeko onartutako zenbatekoa baino, beste kategoriatan batzuetan gorako desbideratzeen bidez konpentsatu ahal izango da, betiere dokumentu bidez behar bezala justifikatzen bada, eta muga izango da oinarri hauetan ezarritako gastu-kategoria eta -tipologia bakoitzeko gehieneko dirulaguntza ez gainditzea. Kostu-kategoria bakoitzari dagozkion laguntza-portzentajeen arabera kalkulaturako dirulaguntzatik justifikatu beharreko zenbatekoari dagokionez, guztira emandako dirulaguntzaren zenbatekoa edo gehiago justifikatu behar da. Bestela, ez-betetzearen ondoriozko prozedura hasiko da.

29. oinarria. — Dirulaguntza ordaintzea

1. Emandako dirulaguntzak Beaz, SAUren bidez ordainduko dira. Ekonomia Sustatzeko Sailak alde aurretik ordainduko dio Beaz enpresari pertsona edo erakunde onuradunari emandako zenbatekoa.

2. Emandako laguntzak Beaz, SAUri eta erakunde onuradunari bermerik eskatu gabe ordainduko dira.

3. Onuradunari dirulaguntza ordainduko zaio, onuradunak jarduera, proiektua, helburua edo jokabidea oinarri hauetan ezarritako baldintzetan egin duela justifikatu ondoren, eta justifikaturako zenbatekoan.

Beaz SAUk bitarteko justifikazio bakoitzeko konturako ordainketak egin ahal izango dizkio erakunde onuradunari, diruz lagundutako jarduera garatzen ari dela eta justifikaturako zenbatekoan frogatu ondoren.

4. Dirulaguntza ordaindu baino lehenago, onuradunek zerga-betebeharrak eta Gizarte Segurantzarekikoak beteta dituztela egiaztatuko da, eta ez daudela dirua itzultzera behartzen duen ebazpen prozedura baten ondorioz zordunen artean. Egiaztapen horren ondorioz, ikusten bada onuradunak ez dituela egunean zerga-betebeharrak eta Gizarte Segurantzarekikoak, edo itzultzeko ebazpen baten ondorioz zorduna bada, ezin izango da dirulaguntza ordaindu.

5. Emandako dirulaguntza Beaz, SAUren bidez ordainduko da, dirulaguntzaren eskabidean adierazitako kontu korrontera banku-transferentzia eginda.

30. oinarria. — Laguntzak metatzea

1. Programa hau aplikatuz emandako dirulaguntzak Batzordearen 2023ko abenduaren 13ko 2023/2831 (EB) Erregelamenduan (Europar Batasunaren Funtzionamenduari buruzko Tratatuaren 107. eta 108. artikuluen aplikazioari buruzkoa) xedaturakoari lotuta daude.

2. Dirulaguntzak minimis laguntzak dira eta emandakotzat joko dira onuradunari laguntza jasotzeko eskubidea aitortzen zaion unean.

3. Onuradun batek berak jaso dezakeen guztizko minimis laguntza ezingo da izan 300.000,00 eurotik gorakoa, kontuan harturik aurreko hiru urteetan emandako minimis laguntzen zenbateko osoa.

4. Europar Batasunaren Funtzionamenduari buruzko Tratatuaren 107. eta 108. artikuluen minimis laguntzei aplikatzeari buruzko Batzordearen 2023ko abenduaren 13ko 2023/2831 (EB) Erregelamendua ez betetzeak erantzukizun penala, zibila eta administratiboa ekar diezaiotke arau-hausleari.



5. Foru dekretu honen arabera emandako laguntzak beste minimis laguntza batzuekin metatu ahal izango dira, Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzko 2023ko abenduaren 13ko 2023/2831 Erregelamenduan (EB) ezarritako gehieneko mugaraino. Laguntza horiek ez dira Estatuko ezein laguntzarekin metatuko, diruz lagun daitezkeen gastu berei dagokienez, baldin eta metatze horrek gainditu egiten baditu Batzordeak onarturiko kategorien araberrako salbuespen-erregelamendu batek edo erabaki batek kasuan kasurako finkaturiko inguruabar zehatzetarako laguntza-intentsitatea edo gehieneko laguntzaren zenbatekoa.

31. oinarria.—Laguntzen bateragarritasuna

1. Foru dekretu honen babesean emandako dirulaguntzak bateragarriak izango dira helburu bererako Estatuko, Europar Batasuneko edo nazioarteko edozein administrazioak edo erakunde publikok zein pribatuk ematen dituzten dirulaguntza, oinarri honetan eta laguntzen metaketari buruzko aurreko oinarrian finkatutako mugak bakarrik.

2. Hala ere, ez dira bateragarriak izango Bizkaiko Foru Aldundiko helburu bererako emandako beste dirulaguntza, laguntza, diru-sarrera edo baliabide batzuekin.

3. Dirulaguntzen zenbatekoak, bera bakarrik edo beste dirulaguntza nahiz laguntzekin batera, ezin izango du, inola ere, onuradunak garatu beharreko jardueraren kostua gainditu.

4. Muga horietakoren bat gaindituz gero, eman beharreko edo emandako dirulaguntzari soberakinari dagokion kopurua kenduko zaio.

5. Onuradunek diruz lagundutako jarduerak finantzatzeko beste dirulaguntza, laguntza, diru-sarrera edo baliabide batzuk lortu dituztela jakinarazi beharko diote Ekonomia Sustatzeko Sailari, horren berri izan bezain laster eta, nolnahi ere, funtsei emandako erabilera justifikatu baino lehen, eta, hala badagokio, egindako itzulketa-gutunaren kopia erantsita. Hori guztia 5/2005 Foru Arauaren 18.3 eta 4. artikuluetan aurreikusitako ondorioetarako, dirulaguntza emateko ebazpena aldatu ahal izateko eta, hala badagokio, itzulketa-prozedura hasteko.

6. Ekonomia Sustatzeko Saila harremanetan jarri ahal izango da gainerako finantzataileekin, kofinantzaketa-hitzarmen bat egin ahal izateko.

32. oinarria.—Pertsona onuradunen beste betebeharrak

Honako betebeharrak hauek izango dituzte laguntzen onuradunek:

- a) Dirulaguntza emateko arrazoi den helburu, proiektu, jarduera edo jokaera lortu, burutu, egin edo hartzea.
- b) Ekonomia Sustatzeko foru diputatuaren aurrean edo erakunde laguntzailearen aurrean justifikatzea betekizun eta baldintzak betetzen direla, hala badagokio, baita jarduera egin dela eta dirulaguntza emateko edo laguntzaz gozatu ahal izateko aintzat hartutako xedea bete dela ere.
- c) Oinarri hauetan jasotako hedapen-neurriak hartzea, hau da, onuradunak eman zaion dirulaguntzaren publizitatea egitea izeneko oinarrian jasotako betebeharrak betetzea.
- d) Aurrekontu ekitaldi batean Bizkaiko Foru Aldunditik gutxienez 100.000,00 eurokoak diren laguntzak edo dirulaguntzak jasotzen dituzten erakundeak edo urteko diru-sarreraren %40 foru laguntzak edo dirulaguntza publikoak direnean, baldin eta gutxienez 5.000,00 eurokoak badira, bete egin beharko dituzte 1/2016 Foru Arauko publizitate aktiboaren betebeharrak. Hau da:
 - 1) Aurretik aipatutako mugak gainditu eta hurrengo urtetik aurrera webgunean informazio publiko garrantzitsua argitaratzea modu irisgarrian, doan, egiaz, eguneratuta eta berrerabiltzeko moduan. Datu pertsonalak babestearen arloko legeria errespetatuko da eta euskaldunen hizkuntza eskubideak bermatuko dira. Horretarako, informazioa euskaraz eta gaztelaniaz argitaratuko da.
 - 2) Informazioa eguneratuta mantentzea gutxienez lau urte naturaletan.



Hauxe da gutxienez onuradunaren informazio publiko garrantzitsua:

- 1) Erakunde informazioa, antolamendukoa eta plangintzakoa: araudia, funtzioak, antolamendu egitura, organigrama, arduradunen identifikazioa, profila eta ibilbide profesionala.
 - 2) Ekonomikoa, aurrekontukoa eta estatistikoa: administrazio publikoek adjudikatutako kontratuak, kontratu txikiak, administrazio publikoekin sinatutako hitzarmenak, jasotako dirulaguntzak eta laguntza publikoak, aurrekontuak, urteko kontuak, kontu ikuskaritzen txostenak eta arduradun nagusien urteko ordainsariak.
- e) Euskal Autonomia Erkidegoko bi hizkuntza koofizialak erabiltzea hizkuntza ofizialak erabiltzeko irizpideak ezartzen dituen maiatzaren 28ko 63/2019 Foru Dekretuaren 13.3 eta 13.4 artikuluetan ezarritakoarekin bat. Hau da:
- 1) Diruz lagundutako jarduera publiko guztietan bi hizkuntza koofizialak erabiltzea.
 - 2) Diruz lagundutako jarduerarekin lotutako materialetan, argitalpenetan eta bestelako euskarrietan bi hizkuntza koofizialak erabiltzea.
- f) Genero ikuspegia sartzea eta emakumeen eta gizonen arteko berdintasuna sustatzea Emakumeen eta Gizonen Berdintasunerako ekainaren 20ko 4/2018 Legearen 46. artikuluan ezarritakoarekin bat etorritz. Horrek hauxe esan nahi du:
- 1) Egiaztatzea jarduketetan bete egiten direla 1/2023 Legegintzako Dekretuaren 3. artikuluan adierazitako printzipio orokorrak, egindako azterketa eta estatistiketan lege horren 17. artikuluan xedatutakoa betetzen dela eta zuzenean edo hirugarrenen bidez sortutako hizkuntza, irudi, euskarri eta dokumentuetan hizkuntza sexista erabiltzen ez dela egiaztatzea.
 - 2) Egiaztatzea Emakumeen eta gizonen berdintasuna sustatzea lanpostuen definizio, sarbide, kontratazio eta iraungipenean, lanbide-sailkapenean, sustapenean, prestakuntzan, laneko segurtasun eta osasunean, ordainsari-politikan, erantzunkidetasunean, bizitza pertsonal, lan-bizitza eta familia-bizitza uztartzearen arloan, lanaren kalitate eta egonkortasunean, lanaldiaren iraupen eta antolamenduan, ekintza sindikal, ordezkaritza eta negoziazio kolektiboan, betiere diskriminaziorik sortzen ez duten lan-baldintza duin eta gizalegezkoak sustatzen direla eta gardentasun eta ordainsari berdintasun printzipioa betetzen dela.
 - 3) Egiaztatzea zaintzea emakumeen eta gizonen tratamendua, protagonismoa eta balorazioa baliokideak izan daitezen, eta berdintasuna, presentzia orekatua, dibertsitatea, erantzunkidetasuna, eta generoaren rol eta identitateen aniztasuna balio dituen irudi bat sustatzea idatzizko zein ahozko komunikazioetan, ikonografian, publizitate-ekintzetan, barruko zein kanpoko komunikazio formal eta informalean, eta proiektuari edo jarduerari lotutako edo proiektua edo jarduera egiteko sortutako materialetan.
 - 4) Emakumeen eta Gizonen Berdintasun Eragingarrirako martxoaren 22ko 3/2007 Lege Organikoan aurreikusitako Emakumeen eta Gizonen Berdintasunerako Plana edukitzeko betebeharra betetzen dela eta plan hori benetan aplikatzen dela egiaztatzea.
 - 5) Egiaztatzea bermatzen dela neurriak hartuko dituela lan-arloan emakumeen kontrako indarkeria prebenitzeko, hari aurre egiteko, haren jarraipena egiteko, hura ebaluatzeko eta desagerrarazteko, bereziki sexu-jazarpenari eta sexuan oinarritutako jazarpenari aurre egiteko.
- g) Kontabilitate liburuak, erregistroak eta gainerako agiriak egunean edukitzea —egin beharreko eginbide eta auditoriak eginda, alegia—, pertsona onuradunari kasu bakoitzean aplikatu beharreko merkataritza-legerian eta legeria sektorialean ezarritakoaren arabera, eta dirulaguntzen oinarri-arauetan eskatzen diren kontabilitate orri eta erregistro espezifikoko guztiak edukitzea, egiaztapen eta kontrol ahalmenen erabilera egokia bermatzeko.



- h) Jasotako funtsen erabilera frogatzen duten agiriak gordetzea, dokumentu elektronikoak barne, egiaztapen eta kontrol ekintzetarako erabilgarriak izan daitezkeen neurrian.
- i) Foru arau honen 33. artikuluan jasotako egoeretan jasotako funtsak itzultzea.
- j) Baldin eta dirulaguntza emateko orduan kontuan hartu diren inguruabar objektibo edo subjektiboetatik edozein aldatu bada, aldaketa horren berri ematea dirulaguntza eman dionari.
- k) Foru Administrazioako organoek edo erakunde laguntzaileak eskatzen dieten laguntza eta dokumentazioa ematea, bai eta, Europar Batasuneko araudiaren arabera, finantza-kontrolako eginkizunak esleituta dituzten organoek ere. Horretarako, honako ahalmen hauek izango dituzte:
 - 1) Egiaztatu beharreko agiritara, euskarri informatikoan dauden programa eta artxiboak barne, iristeko askatasuna.
 - 2) Sarrera librea diruz lagundutako jarduera garatzen den edo dirulaguntzaren kargura finantzatutako eragiketen errealitatea eta erregulartasuna egiaztatzeo aukera ematen duten negozio-lokaletara eta gainerako establezimendu edo lekuetara.
 - 3) Fakturak, agiri baliokideak edo ordezkioak eta eragiketei buruzko beste edozein agiri atxikitzea edo kopia eskuratzea, baldin eta horietan dirulaguntza behar ez bezala lortu, baliatu edo erabili izanaren zantzuak ondorioztatzen badira.
 - 4) Dirulaguntzak kobratu diren edo funtsak erabili diren finantza-erakundeetako banku-kontuetako informazioa eskuratzeko askatasuna.Laguntza emateko eta dokumentazioa emateko betebeharrak hori betetzeari uko egitea erresistentziatzat, desenkusatzat, oztopotzat edo negatibotzat joko da, 5/2005 Foru Arauaren 33. artikuluan aurreikusitako ondorioetarako, hala bada-gokio, zehapenen kalterik gabe.
- l) Emakumeen eta gizonen arteko genero berdintasunarekin lotutako betebeharrak betetzen direla egiaztatzeo jarduketak egitea eta justifikazio dokumentazioa ematea. Laguntzen ez bada eta dokumentazioa ematen ez bada, urratu egingo dira 5/2005 Foru Arauaren 33.1.f) artikuluan adierazitakoaren ondorioetarako ezarritako betebeharrak.
- m) Deslokalizazioan ez erortzea. Enpresa deslokalizaziotzat jotzen da Enpresak deslokalizatzen direnean foru sektore publikoak laguntzak berreskuratzeari buruzko martxoaren 27ko 7/2007 Foru Arauak ezarritakoa, eta foru dekretu honek arautzen dituen dirulaguntzei aplikatuko zaie foru arau hori.